




07543

文獻通考卷第三百八

鄱陽馬端臨



物異考十四

人異

按傳曰皇之不極厥罰常陰時則有下人伐上之
 痾昌邑王時霍光將議廢立而夏侯勝援此以諫
 王出遊光與張安世疑謀已泄而驚異其說然則
 所謂下人伐上之痾乃犯上反叛之謂然歷代史
 志只謂之人痾而所載者則形體之妖異或舉動
 言語之狂惑或化為異物或已死復生殊不及叛
 逆之事蓋人痾者妖也叛逆者其應也又下而犯
 上臣而背君其妖孰甚焉故總謂之人痾云

文獻通考

卷三百八

物異

一

春秋文公十一年敗狄于鹹

師古曰鹹魯地也

穀梁公羊傳曰

長狄

師古曰防風之後漆姓也國號鄭瞞鄭音所未反瞞莫干反

兄弟三人一者之

魯

師古曰僑如也來伐魯為叔孫得臣所獲一者之齊師古曰榮如也齊襄公二年伐齊為王子

成父

所獲一者之晉師古曰焚如也宣十五年晉滅潞國而獲之

皆殺之身橫九

晦

師古曰晦古畝字

斷其首而載之肩見於軾

師古曰軾車前橫木

何以

書記異也劉向以為是時周室衰微三國為大可責者
 也天戒若曰不行禮義大為夷狄之行將致危亡其後

三國皆有篡弑之禍

師古曰謂魯文公薨襄仲弑惡及視而立宣公齊連稱管至父弑襄

公而立無知晉樂書中近下人伐上之病也劉歆以為

行僇祛厲公而立悼公凡人為變皆屬皇極下人伐上之病云京房易傳曰君

暴亂疾有道厥妖長狄入國又曰豐其屋下獨苦師古曰豐

其屋易豐卦上六爻辭豐大也長狄生世主虜

史記魏襄王十三年魏有女子化為丈夫京房易傳曰

女子化為丈夫茲謂陰昌賤人為王丈夫化為女子茲

謂陰勝厥咎亡一日男化為女宮刑濫也如淳曰宮刑之行大濫也

女化男婦政行也

報王三十一年齊有人當闕而哭者求之不得去則聞

文獻通考

卷一百一十五

物異

二

其聲時燕昭王伐齊齊閔王出奔為楚將淖齒所執

史記秦始皇帝二十六年有大人長五丈足履六尺皆

夷狄服凡十二人見於臨洮師古曰臨洮之縣也音吐高反天戒若曰

勿大為夷狄之行將受其禍是歲始皇初并六國反喜

以為瑞銷天下兵器作金人十二以象之遂自賢聖燔

詩書阮儒士奢淫暴虐務欲廣地南戍五嶺北築長城

以備胡越師古曰五嶺解在張耳陳餘傳塹山填谷西起臨洮東至遼

東徑數千里故大人見於臨洮明禍亂之起後十四年

而秦亡亡自戍卒陳勝發

秦始皇三十六年鄭客從關東來至華陰望見素車白

馬從華山上下知其非人道住止而待之遂至持璧與客曰爲我遺滄池君

長安西北有滄池君則池神也江神告之

因言今年祖

龍死

祖始也龍人君象謂始皇也

忽不見客奉璧始皇使御史視之

卽二十八年過江所湛璧也默然良久曰山鬼不過知一歲事也

漢高祖爲亭長送徒驪山被酒夜經澤中有大蛇當徑乃拔劍斬蛇後人來至蛇所有一老嫗夜哭人間之曰吾子白帝子也化爲蛇當道今者赤帝子斬之故哭人以嫗爲不誠欲苦之嫗因忽不見後人告高祖高祖心獨喜自負諸從者日益畏之景帝二年九月膠東下

文獻通考

卷一百一十五

物異

三

密人年七十餘生角角有毛時膠西濟南齊四王有舉兵反謀謀由吳王濞起連楚趙凡七國下密縣居四齊之中角兵象上鄉者也老人吳王象也年七十七國象也天戒若曰人不當生角猶諸侯不當舉兵以鄉京師也禍從老人生七國俱敗云京房易傳曰冢宰專政厥妖人生角武帝征和元年前上居建章宮見一男子帶劍入中龍華門疑其異人命收之男子捐劍走逐之弗獲上怒斬門候冬十一月發三輔騎士大按上林閉長安城門索十一日乃解巫蠱始起哀帝建平中豫章有男子化爲女子嫁爲人婦生一子長安陳鳳言此陽

變為陰將亡繼嗣自相生之象一曰嫁為人婦生一子者將復一世乃絕 哀帝建平四年四月山陽方與女

子田無嗇生子師古曰方與者山陽之縣也女姓田名無嗇方與音房豫 先未生

二月兒嗛腹中及生不舉葬之陌上三日人過聞嗛聲

母掘收養 平帝元始元年二月朔方廣牧女子趙春

病死師古曰廣牧朔方之縣也姓趙名春 斂棺積六日師古曰斂音力贍反棺音工喚反

出在棺外自言見夫死父曰年二十七不當死太守潭

以聞京房易傳曰幹父之蠱有子考无咎韋昭曰蠱事也子能正父

之事是為有子故考不為咎師古曰易蠱卦初六爻辭也 子三年不改父道思慕

不皇亦重見先人之非師古曰言久有不善之事當速改之若唯思慕而已無所變易

文獻通考卷一百一十五 禮考 四 是重顯先人之非也一曰三年之內但思慕而已不暇見父之非故不改也重音直用反 不則為私

厭妖人死復生一曰至陰為陽下人為上六月長安女

子有生兒兩頭異頸面相鄉四臂共胸俱前鄉師古曰鄉讀曰

嚮 尻上有目長二寸所京房易傳曰睽孤見豕負塗師古

曰易睽卦上九爻辭也睽孤乖刺之意也塗泥也睽音苦攜反 厭妖人生兩頭下相攘

善妖亦同人若六畜首目在下茲謂亡上正將變更凡

妖之作以譴失正各象其類二首下不一也足多所任

邪也足少下不勝任或不任下也凡下體生於上不敬

也上體生於下媒瀆也生非其類淫亂也人生而大上

速成也生而能言好虛也羣妖推此類不改乃成凶也

王莽始建國二年甄豐子尋坐僞作符命誅黨與死者數百人尋手理有天子字莽解其臂入視之曰此一大子也或一六子也六者戮也明尋父子當戮死也

是歲池陽縣有小人景長尺餘或乘車馬或步行操持萬物大小多相稱車馬及物皆稱人之形 三日止 天

鳳四年連率韓博上言有奇士長丈大十圍來至臣

府曰欲奮擊胡虜謂巨母霸出於蓬萊東南五城西

北昭如海瀕昭如海名也 輶車不能載三馬不能勝即日

以大車四馬建虎旗載霸詣闕霸臥則枕鼓以鐵著

食乞迎之於道京師門戶不容者開高大之以視百

文獻通考

卷一百一十五

物異

五

蠻

後漢靈帝建寧三年春河內婦食夫河南夫食婦臣昭曰以

夫之尊在河之陽而陰承體卑吞食尊陽將非君道昏

弱無居剛之德遂為陰細之人所能消毀乎夫為家之

主而乃自食正內之人時宋皇后將立而靈帝一聽閭

官無所厝心宋后終廢天戒若曰徒隨嬖豎之意夫曠

其妻 二年洛陽上西門外女子生兒兩頭異肩共胸

俱前向以為不祥墮地棄之自此之後朝廷霧亂政在

私門上下無別二頭之象後董卓弑太后被以不孝之名放廢天子後復害之漢元以來禍莫逾此 四年魏

郡男子張博送鐵盧詣太官博上書室殿山居屋後宮禁落屋謹呼上收縛考問辭忽不自覺知臣昭曰魏人入宮既奪漢

之徵至後宮而讎
呼終亦禍廢母后

中平元年六月壬申洛陽男子劉

倉居上西門外妻生男兩頭共身 靈帝時江夏黃氏

之母浴而化爲龍入於深淵其後時出見初浴簪一銀

釵及見猶在其首

臣昭曰黃者代漢之色女人臣妾之體化爲龍龍者元也入於深淵水實

制火夫君德尊陽利見九五飛在於天乃備光盛俯等龜龍有媿潛躍首從戴釵卑弱未盡

獻帝

初平中長沙有人姓桓氏死棺斂月餘其母聞棺中聲

發之遂生占曰至陰爲陽下人爲上其後曹公由庶土

起 建安四年二月武陵充縣女子李娥年六十餘物

故其家以杉木椁斂墓於城外數里上已十四日有行

者聞冢中有聲便語其家其家往視聞聲便發出遂活

文獻通考

卷一百一十五

物異

六

七年越嵩有男子化爲女子時周羣上言哀帝時亦

有此異將有易代之事至二十五年獻帝封於山陽

建安中女子生男兩頭共身

魏文帝黃初初清河宋士宗母化爲鼈入水 明帝太

和三年曹休部曲邱奚農女死復生時有開周世家得

殉葬女子數日而有氣數月而能言郭太后愛養之又

太原人發冢破棺棺中有一生婦人問其本事不知也

視其墓木可三十歲按京房易傳曰至陰爲陽下人爲

上宣帝起之象也漢平帝獻帝並有此異占以爲王莽

曹操之證 青龍元年并州刺史畢軌送漢故渡遼將

軍范朋友鮮卑奴年三百五十歲而言品飲食如常人
奴云霍顯光後小妻朋友妻光前妻女時京邑有一人
失其姓名食昭兼十許人遂肥不能動其父曾作遠方
長吏官徒送彼縣令故義傳供食之一二年中一鄉輒
爲之儉 三年中壽春農民妻自言爲天神所下命爲
登女當營衛帝室蠲邪納福飲人以水及以洗創或多
愈者於是立館後宮下詔稱揚甚見優寵及景初二年
帝疾飲水無驗以致太漸於是斬焉 元帝咸寧二年
八月襄武縣言有大人見長三丈餘跡長三尺二寸髮
白著黃巾單衣拄杖呼王始語曰今當太平晉尋代魏
文獻通考

卷一百零

物異

七

吳孫休時烏程人有得困病及瘥能以嚮言者言於此
而聞於彼自其所聽之不覺其聲之大也自遠聽之如
人對言不覺聲之自遠來也聲之所往隨其所向遠者
所過十數里其鄰人有責息於外歷年不還乃假之使
爲責讓懼以禍福負物者以爲鬼神卽顛倒昇之其人
亦自不知所以然也

按此事晉史置之言不從條下然此妖異也故今
移置之人癩門云

孫休永安四年安吳氏陳焦死七日復生穿冢出于竇
曰此與漢宣帝同事烏程侯皓承廢故之家得位之祥

也 孫皓寶鼎元年丹陽宣騫母時年八十因浴化爲
龜兄弟閉戶衛之掘堂上作一大坎實水其中龜入坎
遊戲一二日恆延頸外望伺戶小開便輪轉自躍入於
遠潭遂不復還此與漢靈帝時黃氏母事同吳亡之象
也

晉武帝泰始五年元城人年七十生角殆趙王倫篡亂
之象也 咸寧二年十二月琅邪人顏畿病死棺斂已
久家人咸夢畿謂已曰我當復生可急開棺遂出之漸
能飲食屈伸視瞻不能行語二年復死京房易傳曰至
陰爲陽下人爲上厥妖人死復生其後劉石僭逆遂亡

文獻通考

卷一百一十五

物異

八

晉室下爲上之應也 惠帝元康中安豐有女子周世
寧八歲漸化爲男子至十七八而氣性成京房易傳曰
女子化爲丈夫茲謂陰昌賤人爲王此亦劉石覆蕩天
下之妖也 元康中梁國女子許嫁已受禮聘尋而其
夫戍長安經年不歸女家更以適人女不樂行其父母
逼強不得而去尋病亡後其夫還問其女所在其家具
說之其夫徑至女墓不勝哀情便發冢開棺女遂活因
與歸家後壻聞知詣官爭之所在不能決祕書郎王導
議曰此是非常事不得以常理斷之宜還前夫朝廷從
其議 惠帝世杜錫家葬而婢誤不得出後十年開冢

耐葬而婢尙生始如瞑有頃漸覺問之自謂再宿爾初
婢之埋年十五六及開冢更生猶十五六也嫁之有子
光熙元年會稽謝眞生子頭大而有髮兩蹠之石反

向上有男女兩體生便作丈夫聲經一日死此皇之不
極下人伐上之痾於是諸王有僭亂之象也 惠帝之
世京洛有人兼男女體亦能兩用人道而性尤淫此亂
氣所生自咸寧太康之後男寵大興甚於女色士大夫
莫不尙之天下相倣倣或至夫婦離絕多生怨曠故男
女氣亂而妖形之作也 懷帝永嘉元年吳郡吳縣萬

祥婢生子鳥頭兩足馬蹠一手無毛尾黃色大如枕此

文獻通考

卷一百一十五

物異

九

亦人妖亂之象也 五年五月袍罕令嚴根妓產一龍

一女一鵝京房易傳曰人生他物非人所見者皆爲天

下大兵是時帝承惠皇之後四海沸騰尋而陷於平陽

爲逆胡所害此其徵也 愍帝建興四年新蔡縣吏任

僑妻產二女腹與心相合自胸以上臍以下各分此蓋

天下未一之妖也時內史呂會上言按瑞應圖異根同

體謂之連理異畝同穎謂之嘉禾草木之異猶以爲瑞

今二人同心易稱二人同心其利斷金蓋四海同心之

瑞也時皆晒之俄而四海分崩帝亦淪沒 元帝太興

初有女子其陰在腹當臍下自中國來至江東其性淫

而不產又有女子陰在首渡在揚州性亦淫京房易傳曰人生子陰在首天下大亂在腹天下有事在背天下

無後於時王敦據上流將欲為亂是其徵 三年十二

月尚書騶謝平妻生女墮地漚漚匹備反有聲須臾便死

鼻曰皆在頂上面處如項口有齒都連為一胸如鼈手

足爪如鳥爪皆下句此亦人生他物非人所見者後二

年有石頭之敗 明帝太寧二年七月丹陽江寧侯紀

妻死經三日復生 成帝咸康五年四月下邳民王和

僑居暨居未反陽息女可年二十自云上天來還得徵瑞

印綬當母天下晉陵太守以為妖收付獄至十一月有

文獻通考卷一百一十五 物異 十

人持柘之夜反杖絳衣詣止車門日列為聖人使求見天

子門候受辭辭稱姓呂名賜其言王和女可右足下有

七星星皆有毛長七寸天今命可為天下母奏聞即伏

誅并下晉陵誅可 康帝建元二年十月衛將軍營督

過望所領兵陳瀆女臺有文在其足曰天下之母灸之

愈明京都喧譁有司收繫以聞俄自建康縣獄亡去明

年帝崩獻后臨朝此其祥也 孝武帝寧康初南郡州

陵女唐氏漸化為丈夫 安帝義熙七年無錫人趙未

年八歲一旦暴長八尺髭鬚上即移反蔚音下相俞反蔚音然三日而

死 義熙中東陽人莫氏生女不養埋之數日於土中

唬取養遂活 義熙末豫章吳平人有二陽道重累生
恭帝元熙元年建安人陽道無頭正平本下作女人
形體

劉聰子約死一指猶煖遂不殯殮及蘇言見元海於
不周山經五日而遂復從至崑崙山三日而復返於
不周見諸王公卿將相死者悉在宮室甚壯麗號曰
蒙珠離國元海謂約曰東北有遮須夷國無主久待
汝父爲之汝父後三年當來來後國中大亂相殺害
居家死亡略盡但可永明輩十數人在耳汝宜還後
年當來見汝不久約拜辭而回道過一國曰猗尼渠

文獻通考

卷一百零

物異

十一

餘國引約入宮與約皮囊一枚曰爲吾遺漢皇帝約
辭而歸謂約曰劉郎後年來必見過當以小女妻之
約歸置皮囊於机上俄而蘇使左右机上取皮囊開
視之有一方白玉題文曰猗尼渠餘國天王敬信遮
須夷國天王茂在攝提當相見也馳使呈聰聰曰若
審如此吾不懼死也及聰死與此玉并葬焉 持健
時新平有長人見語百姓張靖曰持氏應天受命今
當太平外面者歸中而安泰問姓名弗答俄而不見
新平令以聞健以爲妖下靖獄會大雨霖河渭溢浦
津監寇登得一屐於河長七尺三寸人跡稱之指長

尺餘丈深一寸健歎曰覆載之中何所不有張靖所見定不虛也乃赦之

宋明帝泰豫元年正月丁巳巨人跡見西池水上

梁武帝時海中浮鵠山去餘姚岸可千餘里有女人年三百歲有女官道士四五百人年竝出百但在山學道遣使獻紅席帝方捨身時其使適至云此草常有紅鳥居下故以爲名觀其圖狀則鸞鳥也時又有男子不知何許人於大衆中自割身以飼饑鳥血流徧體而顏色不變又沙門智泉鐵鉤挂體以然千燈一日一夜端坐不動 太清元年丹陽有莫氏妻生男眼在頂上大文獻通考

卷一百一十五

物異

五

如兩歲兒墮地而言曰兒是早疫鬼不得住母曰汝當令我得過疫鬼曰有上官何得自由母可急作絳帽故當無憂母不暇作帽以絳繫髮自是早疫者二年揚徐兗豫尤甚莫氏鄉鄰多以絳免他土效之無驗 簡文大寶二年京口人於藏兒年五歲登城西南角大樓打鼓作長柵鼓兵象也時侯景亂江南 元帝承聖元年十二月天門山獲野人出山三日而死

陳武帝永定三年有人長三丈見羅浮山通身潔白衣服楚麗京房易傳曰長人見亡後二歲帝崩 後主爲太子時有婦人突入東宮而大言曰畢國主後主立而

祚終之應也 至德三年八月建康人家婢死埋之九日而更生有牧牛人聞而出之 禎明二年有神自稱老子游於都下與人對語而不見形言吉凶多驗得酒輒醕之經三四年乃去有船下忽聞人言曰明年亂視之得死嬰兒長三尺而無頭明年陳亡

後魏太武大延元年有鄙婦人持方寸玉印詣潞縣侯孫家既而亡去莫知所在印有三字爲龍鳥之形要妙奇巧不類人跡文曰旱疫平

後齊文宣天保中臨漳有婦人產子二頭共體是後政由奸佞上下無別兩頭之應也 武成河清四年有神

文獻通考

卷一百一十五

物異

三

見於後園萬壽堂前山穴中其體壯大不辨其面兩齒絕白長出於脣帝直宿嬪御已下七百人咸見焉帝又夢之 後主武平五年大旱晉陽得死魃長二尺面頂各二目帝聞之使刻木爲其形以獻

後周武帝保定三年有人產子男陰在背上如尾兩足指如獸爪陰不當生於背而生者陰陽反覆君臣顛倒之象也人足不當有爪而有者將致攫人之變也時晉公護專政征伐自己陰懷篡逆帝誅之 武帝時有強練者佯狂持一瓢至晉蕩公護門而擊破之曰身尙可子苦矣時護專政因朝太后帝擊殺之發兵捕其諸子

皆備楚毒而死強練又行乞於市人或遺之粟麥輒以無底帛受之因大笑曰盛空未幾周滅高祖移都長安城爲墟矣

隋高祖開皇六年霍州有老翁化爲猛獸 七年相州有桑門變爲蛇尾繞樹而自抽長二丈許 仁壽四年

有人長數丈見於應門其跡長四尺五寸其年帝崩

煬帝大業元年鴈門人房回安母年百歲額上生角長

二寸洪範五行傳曰婦人陰象也角兵象也下反上之

應是後天下果大亂陰戎圍帝於鴈門 四年鴈門宋

谷村有婦人生一肉卵大如斗埋之後數日所埋處雲

文獻通考

卷一百一十五

物異

古

霧盡合從地雷震而上視之洞穴失卵所在 六年趙

郡李來王家有婢產一物大如卵 七年正月朔旦有

盜衣白練裙襦手持香花自稱彌勒佛出世入建國門

奪衛士仗將爲亂齊王暕遇而斬之後三年楊元感作

亂引兵圍洛陽戰敗乃伏誅 八年有澄公者若狂人

於東都大叫唱賊帝聞而惡之明年元感作亂舉兵圍

洛陽至十二年澄公又大叫賊李密逼東都孟讓燒豐

東都市而去 九年帝在高陽唐縣人宋子賢善爲幻

術每夜樓上有光明能變作佛形自稱彌勒出世又懸

大鏡於堂上紙素上畫爲蛇爲獸及人形有人來禮謁

者轉側其鏡遣觀來生形像或映見紙上地形子賢輒告云此罪業也當更禮念又令禮謁乃轉人形京之遠近惑信日數百千人遂潛謀作亂將爲無遮佛會因舉兵欲襲擊乘輿事泄鷹揚郎將以兵捕之夜至其所遶其所居但見火阬兵不敢進郎將曰此地素無阬止妖妄耳及進無復火矣遂擒斬之并坐其黨與千餘家其後復有桑門向海明於扶風自稱彌勒佛出世潛謀逆亂人有歸心者輒獲吉夢由是人皆惑之三輔之士翕然稱爲大聖因舉兵反衆至數萬官軍擊破之京房易飛候曰妖言動衆者茲謂不信路無人行不出三年起

文獻通考

卷一百一十五

物異

五

兵自是天下大亂路無人行

唐高祖武德四年太原尼志覺死十日而蘇 太宗貞觀十九年衛州人劉道安頭生肉角隱見不常因以惑衆伏誅角兵象肉不可以觸者 高宗永徽六年淄州高苑民吳威妻嘉州民辛道護妻皆一產四男凡物反常則爲妖亦陰氣盛則母道壯也 顯慶三年普州有人化爲虎虎猛噬而不仁 儀鳳三年四月涇州獻二小兒連心異體初鶉鴈縣衛士胡萬年妻吳生一男一女其胸相連餘各異體乃析之則皆死又產復然俱男也遂育之至是四歲以獻於朝 永隆元年長安獲女

魃長尺有二寸其狀怪異詩曰旱魃爲虐如倏如焚是歲秋不雨至於明年正月 二年九月萬年縣女子劉凝靜衣白衣從者數人升太史令廳問比有何災異令執之以聞是夜彗星見太史司天文歷候王者所以奉若天道恭授民時者非女子所當問 武后載初中涪州民范端化爲虎 神功元年二月庚子有人走入端門又入則天門至通天宮閣及仗衛不之覺時來俊臣婢產肉塊如二升器剖之有赤蟲須臾化爲蜂螫人而去 久視二年正月成州有大人跡見長安中郴州左

史因病化爲虎欲食其嫂擒之乃人也雖未全化而虎

文獻通考

卷一百一十五

物異

六

毛生矣 獻宗太極元年狂人段萬謙潛入承天門登太極殿升御牀自稱天子且言我李安國也人相我年三十二當爲天子 元宗開元二十三年四月冀州獻

長人李家寵八尺有五寸 代宗大歷十年二月昭應

婦人張產一男二女 德宗貞元八年正月丁亥許州

人李狗兒持杖上含元殿擊欄檻伏誅 十年四月恆

州有巨人跡見 十五年正月戊申狂人劉忠詣銀臺

稱白起令上表天下有火災 十七年十一月翰林待

詔戴少平死十有六日而蘇是歲宣州南陵縣丞李巖

死已殯三十日而蘇 憲宗元和二年商州洪厓治役

夫將化為虎衆以水沃之不果化 穆宗長慶四年三

月民徐忠信潛入浴室門 敬宗寶歷二年十二月延

州人賀文妻一產四男 文宗太和二年十月狂人劉

德廣入含元殿 懿宗咸通七年渭州有人生角寸許

占曰天下有兵 十三年四月太原晉陽民家有嬰兒

兩頭異頸四手聯足此天下不一之妖是歲民皇甫及

年十四暴長七尺餘長啗大嚼三倍如初歲餘死 僖

宗乾符六年秋蜀郡婦人尹生子首如豕目在臍下占

曰君失道 光啓元年隰州溫泉民家有死者既葬且

半月行人聞聲呼地下其家發之則復生歲餘乃死

文獻通考

卷一百一十五

物異

七

二年春鳳翔郿縣女子未亂化為丈夫旬日而死京房

易傳曰茲謂陰昌賊人為王 昭宗大順元年六月資

州兵王全義妻如孕覺物漸下入股至足大拇痛甚墮

而生珠如彈丸漸長大如杯 天祐二年五月潁州汝

陰民彭文妻一產三男

蜀王建元年巨人見青城山

南漢劉鋹時南海民妻生子兩首四臂

宋自太祖建隆元年至眞宗天禧四年郡縣上言民妻

產三男者凡一百九產四男者凡三產一男三女者二

產二男一女者一 太祖建隆三年齊州晉州大旱民

家多生魃 太宗太平興國九年揚州揚子縣民妻生
男毛被體半寸餘面長頂高鳶肩眉毫麤密近髮際有
毛兩道較長眼微紫脣紅厚耳鼻大類胡僧至三歲畫
圖以獻 淳化元年八月汾州悉達院僧智嚴頭生角
可長三寸 眞宗天禧四年七月衡州耒陽縣民張中
妻產三男其一額有白痣方寸餘上生白髮 仁宗天
聖至英宗治平婦人生四男者二生三男者四十四生
二男一女者一說者曰天下安寧人民蕃息之驗也

神宗熙寧元年距元豐七年郡邑民家生三男者八十
四而四男者一二男一女者一 元豐八年至哲宗元

文獻通考

卷一百一十五

物異

文

符二年生三男者十八而四男者二三男一女者一

元符三年至欽宗靖康生三男者十九四男者一 徽

宗宣和六年都城有賣青果男子孕而誕子尋母不能
收易七人始免而逃去又有酒肆號豐樂樓酒保朱氏
子之妻可四十餘楚州人忽生髭長僅六七寸疏秀而
美宛然一男子特詔度爲女道士 高宗紹興三年建

康府桐林灣人產兒肉角有齒角兵象肉不可以觸者
是歲人多產鱗毛皆人病也 二十年八月洋州眞符

縣民家一產三男 孝宗隆興元年建康民流寓行都
產子二首具羽毛之形 乾道五年衡湘間有人化爲

虎者與唐志顯慶三年人痾同占餘杭縣民婦產子青而毛二肉角又有二家婦產子毛角亦如之皆連體兩

面相鄉

鄉與鄉同

三家纔相去一二里痾氣同所鍾也又潮州

城西婦孕過期產兒如指大五體皆具者百餘螻蟻能動人痾之異也 淳熙十年鄱陽南鄉民產子兩肘

各有二臂長十五歲每鬪則六臂竝運 十三年行都

有人死十四日復生十一月辛未鄧家巷民婦產肉塊

三其一直目而橫口 十四年六月臨安府浦頭民產

子生而能言四日暴長四尺 光宗紹熙元年平江府

崑山縣石工採石而山摧工壓焉三年六月他工採石

文獻通考

卷一百一十五

物異

九

鄰山聞其聲呼相應答如平生報其家鑿石出之見其妻喜曰久閉乍風肌如裂俄頃聲微噤不語化爲石人貌如生 寧宗慶元元年饒州樂平民產子人體有尾永州民產兒首有角腋有肉翅 二年七月隆興府進賢縣民產子亦如之而面有三目 嘉定元年四月鎮江後軍妻生子一身二首四臂晉志謂中原分裂應此人痾也後數年金人失中原

文獻通考卷第三百九

鄱陽馬端臨貴與著

物異考十五

詩異

春秋左氏傳晉獻公時童謠曰丙之晨龍尾伏辰昀服

振振取虢之旂師古曰徒歌曰謠衿服黑衣振振初服之貌也昀音均又音弋春反振只人反

鶉之賁賁天策焯焯火中成軍虢公其犇師古曰犇者奔焯音吐敦

反又音敦犇古奔字是時虢為小國介夏陽之隄怙虞國之助師古

曰介亢衡於晉有炕陽之節失臣下之心晉獻伐之間

於卜偃曰吾其濟乎師古曰卜偃晉大夫主卜者偃以童謠對曰克

文獻通考卷第三百九物異 一

之十月朔丙子旦日在尾月在策鶉火中必此時也冬

十二月丙子朔晉師滅虢虢公醜犇周周十二月夏十

月也言天者以夏正 史記晉惠公時童謠曰恭太子

更葬兮後十四年晉亦不昌昌乃在其兄是時惠公賴

秦力而立立而背秦內殺二大夫師古曰謂里克丕鄭國人

不說師古曰說讀曰悅及更葬其兄恭太子申生而不敬故詩妖作

也後與秦戰為秦所獲立十四年而死晉人絕之更立

其兄重耳是為文公遂伯諸侯師古曰伯讀曰霸左氏傳文

成之世童謠曰鸚之鵠之公出辱之師古曰鸚音欲鵠音欲鸚鵠

之羽公在外野往饋之馬師古曰饋亦送也鸚鵠踈踈公在乾

侯臣瓚曰乾侯在魏郡斥邱縣師古曰徵褻與禰師古曰曰珠珠跳行貌也珠音誅乾音干徵褻與禰徵求也
喪勞宋父以驕師古曰父讀曰甫甫者男子之通號故云褻甫宋甫也言昭公欲去季氏不遂
而出故曰喪勞定公無德
於下坐致君位故曰以驕師古曰
生時出奔死至昭公時有鸚鵡來巢公攻季氏敗出奔
乃以喪歸之
齊居外野次乾侯八年死于外歸葬魯昭公名禰公子
宋立是爲定公

漢元帝時童謠曰井水溢滅竈煙灌玉堂流金門至成
帝建始二年三月戊子北宮中井泉稍上溢出南流象

春秋時先有鸚鵡之謠而後有來巢之驗井水陰也竈

文獻通考

卷一百一十五

物異

二

煙陽也玉堂金門至尊之居象陰盛而滅陽竊有宮室

之應也王莽生於元帝初元四年至成帝封侯爲三公

輔政因以篡位

成帝時童謠曰燕燕尾涎涎

師古曰涎涎光

澤貌音張公子時相見木門倉琅根燕飛來囓皇孫皇

孫死燕囓矢其後帝爲微行出遊常與富平侯張放俱

稱富平侯家人過河陽主作樂見舞者趙飛燕而幸之

故曰燕燕尾涎涎美好貌也張公子謂富平侯也木門

倉琅根謂宮銅鍍

師古曰門之鋪首及銅鍍也銅色青故曰倉琅鋪首銜鍍故謂之根鍍讀

與環言將尊貴也後遂立爲皇后弟昭儀賊害後宮皇

子卒皆伏辜所謂燕飛來囓皇孫皇孫死燕囓矢者也

成帝時歌謠又曰邪徑敗良田讒口亂善人桂樹華不實黃爵巢其顛古爲人所羨今爲人所憐桂赤色漢家象華不實無繼嗣也王莽自謂黃象黃爵巢其顛也王莽末天水童謠曰出吳門望緹羣見一蹇人言欲上天今天可上地上安得民時隗囂初起兵於天水後意稍廣欲爲天子遂破滅囂少病蹇吳門冀郭門名也緹羣山名也

後漢更始時南陽有童謠曰諧不諧在赤眉得不得在河北是時更始在長安世祖爲大司馬平定河北後更始爲赤眉所殺世祖自河北興世祖建武元年帝先

文獻通考

卷一百一十五

物異

三

在長安時同舍生彊華白關中奉赤伏符曰劉秀發兵

捕不道四夷雲集龍鬪野四七之際火爲主

四七二十八

祖至光武初起合二百二十八年即羣臣奏以爲受命

之符光武乃命有司設壇場以六月己未卽皇帝位於鄗改鄗爲高邑建武六年蜀有童謠曰黃牛白腹五

銖當復是時公孫述僭號於蜀時人竊言王莽稱黃述欲繼之故稱白五銖漢家貨明當復也述遂誅滅順

帝之末京都童謠曰直如弦死道邊曲如鉤反封侯按順帝卽世孝質短祚大將軍梁冀貪樹疏幼久專國柄太尉李固以清河王年長有德欲立之冀白太后策免

固而立桓帝固是月幽斃於獄暴尸道路而胡廣趙戒
袁湯俱封侯云 桓帝初天下童謠曰小麥青青大麥
枯誰當穫者婦與姑丈夫何在西擊胡吏買馬君具車
請爲諸君鼓隳胡按元嘉中涼州諸羌俱反大爲民害
命將出衆每戰常負中國益發甲卒麥多委棄但有婦
女收穫吏買馬君具車者言調發重及有秩者也請爲
諸君鼓隳胡者不敢公言私咽語 桓帝之初京都童

謠曰城上烏尾畢逋父爲子爲徒一徒死百乘車車
班班入河閒河閒妣女工數錢以錢爲室金爲堂石上
慊慊春黃梁梁下有懸鼓我欲擊之丞卿怒按此皆謂

文獻通考

卷一百一十五

物異

四

爲政貪也城上烏尾畢逋者處高利獨食不與下共謂
人主多聚斂也父爲吏子爲徒者言蠻夷將畔逆父既
爲軍吏其子又爲卒徒往擊之一徒死百乘車者言

前一人往討胡既死矣後又遣百乘車往

臣昭曰志家此釋豈未盡

乎往徒一死何用百乘其後驗意爲靈帝作此言一徒似斥桓帝帝貴任羣閭參委機政左右前後莫非刑人有同囚徒之長故言寄一徒也且又弟則廢黜身無嗣魁然單獨非一而何百乘車者乃國之君解憤後徵王膺勅數繼以班車班班入河閒者言上將崩乘輿班班尤得以類焉

入河閒迎靈帝也

應劭釋此句云徵靈帝者輪班擁節入河閒也

河閒妣女工

數錢

一本作妖女

以錢爲室金爲堂者靈帝既立其母永樂

太后好聚金以爲堂也石上慊慊春黃梁者言永樂雖

積金錢慊慊常苦不足使人舂黃梁而食之梁下有懸鼓我欲擊之丞卿怒者言永樂主教靈帝使賣官受錢所祿非其人天下忠篤之士怨望欲擊懸鼓以求見丞卿主鼓者亦復諂順怒而止我也 桓帝之初京都童謠曰游平賣印自有平不辟豪賢及大姓按到延熹之末鄧皇后以譴自殺乃以竇貴人代之其父名武字游平拜城門校尉及太后攝政爲大將軍與太傅陳蕃合心戮力惟德是建印綬所加咸得其人豪賢大姓皆絕望矣 桓帝之末京都童謠曰茅田一頃中有井四方

織織不可整疇復疇今年尙可後年饒

風俗通作饒

按易曰

文獻通考

卷一百一十五

物異

五

拔茅茹以其彙征吉茅喻羣賢也井者法也時中常侍管霸等專作威福禁錮黨人茅田一頃者言羣賢衆多也中有井者言雖阨窮不失法度也四方織織不可整者言姦慝大熾不可整理疇復疇者京都飲酒相強之辭言肉食者鄙不恤王政徒耽宴飲歌呼而已也今年尙可言但禁錮後年饒者陳竇被誅天下大壞 桓帝之末京都童謠曰白蓋小車何延延河閒來合諧河閒來合諧按解犢亭屬饒陽河閒縣居無幾桓帝崩使者與解犢侯皆白蓋車從河閒來延延衆貌也 靈帝之末京都童謠曰侯非侯王非王千乘萬騎上北芒按到

中平六年史侯登躡至尊獻帝未有爵號為中常侍段珪等數十人所執公卿百官皆隨其後到河上乃得來

還此為非侯非王上北芒者也英雄記曰京都謠歌咸言河臘叢蓬獻帝臘月

生也風俗通曰烏臘烏臘按逆民董卓滔天虐民窮凶極惡關東舉兵欲共誅之轉相顧望莫肯先進處處停

兵數十萬若烏臘蟲相隨橫取之矣靈帝中平中京都歌曰承樂世董

逃遊四郭董逃蒙天恩董逃帶金紫董逃行謝恩董逃

整車騎董逃垂欲發董逃與中辭董逃出西門董逃瞻

宮殿董逃望京城董逃日夜絕董逃心摧傷董逃楊孚卓傳

曰卓改為董安按董謂董卓也言雖跋扈縱其殘暴終歸逃竄

至於滅族也風俗通曰卓以董逃之歌主為已發大禁絕之死者千數靈帝之末禮樂凋壞賞刑

文獻通考卷一百一十五物異六

失中毀譽無驗競飾偽服以盪典制遠近翕然咸名後生放聲者為時人有識者竊言舊曰世人次曰俗人今

更曰時人此天促其期也獻帝踐祚之初京都童謠

其間無幾天下大壞也

曰千里草何青青十日下不得生按千里草為董十日

下為卓凡別字之體皆從上起左右離合無有從下發

端者也今二字如此者天意若曰卓自下摩上以臣陵

君也青青者暴盛之貌也不得生者亦旋破亡獻帝初童謠曰

燕南垂趙北際中央不合大如礪唯有此中可避世公孫瓚以為易地當之遂徙鎮焉乃修城積穀以待天下

之變建安二年袁紹攻瓚大敗縊其姊妹妻子引火自焚紹兵趣登臺斬之初瓚破黃巾殺劉虞乘勝南下侵據齊地雄威大振而不能開靡遠圖欲以堅建安初城觀時坐聽圍戮斯亦自易地而去世也

荆州童謠曰八九年閒始欲衰至十三年無子遺言自

中興以來荊州無破亂及劉表爲牧又豐樂至此逮八
九年當始衰者謂劉表妻當死諸將竝零落也十三年

無子遺言十三年表又當死民當移詣冀州也千寶按神記曰

是時華容有女子忽帝呼云有大喪言語過差縣以爲妖言繫獄百餘日忽於獄中哭曰劉荊州今曰死華容去州數日即遣馬吏驗視表果死縣乃出之續又歌吟曰不意李立爲貴人後無幾曹公平荊州以涿郡李立字廷賢爲荊州刺史

魏明帝太和中京師歌兜鈴曹子其唱曰其奈汝曹何

此詩妖也其後曹爽見誅曹氏遂衰 景初初童謠曰

阿公阿公駕馬車不意阿公東渡河阿公來還當奈何

及宣帝遼東歸至白屋當還鎮長安會帝疾篤急召之

文獻通考卷一百一十五 物異 七

乃乘追鋒車東渡河終如童謠之言 齊王嘉平中有

謠曰白馬素羈西南馳其誰乘者朱虎騎朱虎者楚王

小字也三凌令狐愚聞此謠謀立彪事發凌等伏誅彪

賜死

吳孫亮初童謠曰吁汝恪何若若蘆葦單衣篋鉤絡於

何相求常子閣常子閣者反語石子凋也鉤絡鉤帶也

及諸葛恪死果以葦席裹身篋束其腰投石子凋後聽

恪故吏收斂求之此凋云 孫亮初公安有白鼉徒何反

鳴童謠曰白鼉鳴龜背平南郡城中可長生守死不去

義無成南郡城可長生者有急易以逃也明年諸葛恪

敗弟融鎮公安亦見龔融刮

古剗反

金印龜服之而死鼂

有鱗介甲兵之象又白祥也

孫休永安二年將守質

子羣聚嬉戲有異小兒忽來言曰三公鋤司馬如又曰

我非人熒惑星也言畢上昇仰視若曳一疋練有頃沒

于寶曰後四年而蜀亡六年而魏廢二十一年而吳平

於是九服歸晉魏與吳蜀並戰國三公鋤司馬如之謂

也 孫皓遣使者祭石印山下妖祠使者因以丹書巖

曰楚九州渚吳九州都揚州士作天子四世治太平矣

皓聞之意益張曰從太皇帝至朕四世太平之主非朕

復誰恣虐逾甚尋以降亡近詩妖也 孫皓天紀中童

文獻通考

卷一百一十五

物異

八

謠曰阿童復阿童銜刀遊渡江不畏岸上獸但畏水中

龍武帝聞之加王濬龍驤將軍及征吳江西衆軍無過

者而王濬先定秣陵

晉武帝太康元年平吳後江南童謠曰局縮肉數橫曰

中國當敗吳當復又曰宮門柱且莫朽吳當復在三十

年後又曰雞鳴不拊

音推

翼吳復不用力於時吳人皆謂

在孫氏子孫故竊發爲亂者相繼按橫目者四字自吳

亡至元帝興幾四十年元帝興於江東皆如童謠之言

焉元帝懦

乃亂反本作儒

而少斷局縮肉者有所斥也

太康

末京洛爲折楊柳之歌其曲始有兵革苦辛之辭終以

擒獲斬截之事是時三楊貴盛而被族滅太后廢黜幽死中宮折楊柳之應也 惠帝永熙中河內温縣有人如狂造書曰光光文長大戟為牆毒藥雖行戟還自傷又曰兩火沒地哀哉秋蘭歸形街郵終為人歎及楊駿居內府以戟為衛死時又為戟所害傷楊后被廢賈后絕其膳八日而崩葬街郵亭北百姓哀之也兩火武帝諱蘭楊后字也其時又有童謠曰二月末三月初荆筆楊版行詔書宮中大馬幾作驢此時楊駿專權楚王用事故言荆筆楊版二人不誅則君臣禮悖故云幾作驢

元康中京洛童謠曰南風起吹白沙遙望魯國何嗟

文獻通考

卷一百一十五

物異

九

昨何峩五歌反

千歲髑髏獨婁二音

生齒牙又曰城東馬子莫

隴盧紅反

响凶音

比至來年纏汝髮南風賈后字也白晉行

也沙門太子小名也魯賈謚國也言賈后將與謚為亂

以危太子而趙王因釁阻

慈呂在爵反 嚼

豪賢以成篡奪

不得其死之應也

元康中天下商農通著大郭

諸良反

日時童謠曰屠

音塗

蘇郭日覆兩耳當見瞎

許轄反

兒作天

子及趙王倫篡位其目實眇焉趙王倫既篡洛中童謠

曰獸從北來鼻頭汗龍從南來登城看水從西來河灌

灌數月而齊王成都河閒義兵同會誅倫按成都西藩

而在鄴故曰獸從北來齊東藩而在許故曰龍從南來

河間水源而在關中故曰水從西來齊雷輔政居於宮
西又有無君心故言登城看也 秦安中童謠曰五馬

遊渡江一馬化爲龍後中原大亂宗藩多絕唯琅邪汝
南西陽南頓彭城同至江東而元帝嗣統矣司馬越還
洛有童謠曰洛中大鼠長尺二若不早去大狗至及苟

晞將破汲桑又謠曰元超兄弟大落度上桑打樵爲苟
作由是越惡晞奪其兗州隙難遂構焉 愍帝初有童

謠曰天子何在豆田中至建興四年帝降劉曜在城東

豆田壁中 建興中江南謠歌曰旬呼宏反如曰阬破合

集持作甌音武揚州破換敗吳興覆甌音部甌盧斗反按白者

文獻通考

卷一百一十五

物異

十

晉行阬器有口屬甕瓦甕質剛亦金之類也旬如白阬
破者言二都傾覆王室大壞也合集持作甌者元帝鳩
集遺餘以主社稷未能克復中原但偏王江南故其論
也及石頭之事六軍大潰兵人鈔掠京邑爰及二宮其
後三年錢鳳復攻京邑阻水而守相持月餘日焚燒城
邑并堙音因木刊矣鳳等敗退沈充將其黨還吳興官軍
踵之蹈藉郡縣充父子授首黨與誅者以百數所謂揚
州破換敗吳興覆甌甌甌瓦器又小於甌也 明帝
太寧初童謠曰惻惻力力放馬山側大馬死小馬餓高
山崩石自破及明帝崩成帝幼爲蘇峻所逼遷於石頭

御膳不足此大馬死小馬餓也高山峻也又言峻尋死石峻弟蘇石也峻死後石據石頭尋爲諸公所破復是崩山石破之應也 成帝之末又有童謠曰磕磕苦蓋反

何隆隆駕車入梓宮少日而宮車晏駕 咸康二年十二月河北謠云麥入土殺石武後如謠言

庾亮初鎮武昌出至石頭百姓於岸上歌曰庾公上武昌翩翩如飛鳥庾公還揚州白馬牽旒旒又曰庾公初上時翩翩如飛鳥庾公還揚州白馬牽旒旒蘇後連徵不入及薨於鎮以喪還都葬皆如謠言

穆帝升平中童兒輩忽歌於道曰阿子聞曲終輒云阿文獻通考

卷一百零九

物異

十一

子汝聞不無幾而帝崩太后哭之曰阿子汝聞不升平末俗閒忽作廉歌有扈謙者聞之曰廉者臨也歌云白門廉宮庭廉內外悉臨國家其大諱乎少時而穆帝晏駕 哀帝隆和初童謠曰升平不滿斗隆和那得久桓公入石頭陛下徒跣走朝廷聞而惡之改年曰興寧人復歌曰雖復改興寧亦復無聊生哀帝尋崩升平五年而穆帝崩不滿斗升平不至十年也 海西公太和 中百姓歌曰青青御路楊白馬紫遊繯汝非皇太子那得甘露漿識者曰白者金行馬者國族紫爲奪正之色明以紫閒朱也海西公尋廢其三子竝非海西公之子

綫一賜反以馬繯君良反死之明日南方獻甘露焉 太和

末童謠曰犁牛耕御路白門種小麥及海西公被廢百姓耕其門以種小麥遂如謠言 海西公初生皇子百姓歌云鳳凰生一雛天下莫不喜本言是馬駒今定成龍子其歌甚美其旨甚微海西公不男使左右向龍與內侍接生子以為己子

桓石民為荊州鎮上明百姓忽歌曰黃曇音子曲中

又曰黃曇英揚州太佛來上明頃之而桓石民死王

忱氏林反為荊州黃曇子乃是王忱字也忱小字佛大

是大佛來上明也

文獻通考

卷一百零九

物異

三

孝武帝太元末京口謠曰黃雌雞莫作雄父嗥一旦去

毛衣衣被拉颯上盧合反下蘇合反栖尋而王恭起兵誅王國寶

旋為劉牢之所敗故言拉颯栖也

會稽王道子於東府造土山名曰靈秀山無幾而孫

恩作亂再踐會稽會稽道子所封靈秀恩之字也

庾楷鎮歷陽百姓歌曰重羅黎重羅黎使君南上無

還時後楷南奔殷仲堪在荊州童謠曰芒籠曰繩縛

腹殷當敗桓當復未幾而仲堪敗桓元遂有荊州

王恭鎮京口舉兵誅王國寶百姓謠云昔年食白飯

今年食麥麩音孚天公誅謫汝教汝捻乃協反隴喉隴喉

喝於介反復喝京口敗復敗識者曰昔年食白飯言

得志也今年食麥麩麩麩穢其精已去明將敗也天

公將加譴謫而誅之也捻嚙喉氣不通死之祥也敗

復敗丁寧之辭也恭尋死京都又大行歿疾而喉竝

喝焉王恭在京口百姓閒忽云黃頭小兒欲作賊

阿公在城下指縛得又云黃頭小人欲作亂賴得金

刀作蕃杆黃字上恭字頭也小人恭字下也尋如謠

言者焉

安帝隆安中百姓忽作懊惱上烏浩反下奴浩反之歌其曲曰草

生可孽結女兒可孽擷尋而桓元篡位義旗以三月二

文獻通考

卷一百一十五

物異

三

日掃定京都誅之元之宮女及逆黨之家子女妓妾悉

為軍賞東及歐越北流淮泗皆人有所獲故言時則草

可結事則女可擷也桓元既篡童謠曰草生及馬腹烏

啄丁角反

桓元目及元敗走至江陵時正五月中誅如其

期焉安帝義熙初童謠曰官家養蘆化為荻徒歷反蘆

生不止自成積其時官養蘆龍寵以金紫奉以名州養

之極也而龍不能懷我好音舉兵內伐遂成讎敵也蘆

生不止自成積及蘆龍之敗斬伐其黨猶如草木以成

積也蘆龍據廣州人為之謠曰蘆生漫漫竟天半後擁

上流數州之地內逼京輦應天半之言義熙三年小

兒相逢於道輒舉其兩手曰盧健健次曰鬪歎鬪歎末
曰翁年老翁年老當時莫知所謂其後盧龍內逼舟艦
胡豔蓋川健健之謂也既至植浦屢剋期欲與官鬪
歎之應也

昔温嶠令郭景純卜己與庾亮吉凶景純云元吉嶠
語亮曰景純每筮是不敢盡言吾等與國家同安危
而曰元吉是事有成也於是協同討滅王敦翁年老
羣公有期頤之慶知妖逆之徒自然消殄也其時復
有謠言曰盧橙橙直耕反逐水流東風忽如起那得入
石頭盧龍果敗不得入石頭也

文獻通考

卷一百一十五

物異

古

苻生時長安謠曰東海大魚化為龍男便為王女為
公問在何所洛門東生誅其侍中太師魚遵及其子
孫後苻堅殺生而代之堅封東海時為龍驤將軍第
在洛門東 苻堅初童謠曰阿堅牽連三十年後若
欲敗時當在江湖邊及堅在位凡三十年敗於淝水
是其應也又謠語云河水清復清苻詔死新城及堅
為姚萇所殺於新城復謠歌云魚羊田斗當滅秦識
者以為魚羊鮮也田斗卑也堅自號秦言滅之者鮮
卑也其羣臣諫堅令盡誅鮮卑不從及淮南敗還初
為慕容沖所攻卒為姚萇所殺

梁武帝天監三年六月八日武帝講於重雲殿沙門誌
公忽然舞歌樂須臾悲泣因賦五言詩樂哉三十餘悲
哉五十裏但看八十三子地祇災起佞臣作欺妄賦臣
滅君子若不信吾語龍時侯賊起且至馬中閒銜悲不
見喜梁自天監至於大同三十餘年江表無事至太清
二年臺城陷帝享國四十八年所言五十裏也太清元
年八月十三而侯景自懸瓠來降在丹陽之北子地帝
惑朱异之言以納景景之作亂始自戊辰之歲至午年
帝憂崩 十年四月八日誌公於大會中又作詩曰兀

尾狗子始著狂欲死不死齧人傷須臾之間自滅亡忠

文獻通考 卷一百一十五 禮考 物異 五

在汝陰死三湘橫尸一旦無人藏侯景小字狗子初自
懸瓠來降懸瓠則古之汝南也巴陵南有地名三湘卽
景奔敗之所 天監中茅山隱士陶弘景爲五言詩曰
夷甫任散誕平叔坐談空不意昭陽殿忽作單于宮及
大同之季公卿唯以談元爲務夷甫平叔朝賢也侯景
作亂遂居昭陽殿 大同中童謠曰青絲白馬壽陽來
其後侯景破丹陽乘白馬以青絲爲羈勒 梁末童謠
云可憐巴馬子一日行千里不見馬上郎但見黃塵起
黃塵汗人衣阜茨相料理及僧辨滅羣臣以謠言奏聞
曰僧辨本乘巴馬以擊侯景馬上郎王字也塵謂陳也

而不解阜茨之謂既而陳滅於隋說者謂江東謂殺羊角爲阜茨隋氏姓楊楊羊也言終滅於隋云

陳初有童謠曰黃斑青驄馬發自壽陽溪來時冬氣未去日春風始其後陳主果爲韓擒虎所敗擒本名擒虎黃斑之謂也破建康之始復乘青驄馬往反時節皆相應 時江南盛歌王獻之桃葉之詞桃葉復桃葉度江不用楫但度無所苦我自迎接汝晉王伐陳之始置營桃葉山下及韓擒虎渡江大將任蠻奴至新林以導北軍之應 後主造齊雲觀國人歌之曰齊雲觀寇來無

際畔功未畢而爲隋師所虜

禎明初後主作新歌詞

文獻通考

卷一百一十五

物異

六

甚哀怨令後宮美人習而歌之其詞曰玉樹後庭花花開不復久時人以歌讖此其不久兆也 後主在東宮時有婦人突入唱曰畢國主有鳥一足集其殿庭以背畫地成文曰獨足上高臺盛草變爲灰欲知我家處朱門當水開解者以爲獨足者蓋指後主獨行無衆盛草言荒穢隋承火運草得火而灰及至京師與家屬館於都水臺所謂上高臺當水也其言皆驗

東魏孝靜武定中有童謠云百久高竿摧折水裏然燈澄滅高者齊姓也澄文襄名五年神武崩摧折之應七年文襄遇盜所害澄滅之徵也

北齊神武始移都於鄴時有童謠云可憐青雀子飛入
鄴城裏作窠猶未成舉頭失鄉里寄書與婦母好看新
婦子魏孝靜帝清河王之子也后則神武之女鄴都宮
室未備卽逢禪代作窠未成之效也孝靜尋崩文宣以
后爲太原長公主降於楊愔時婁后尙在故言寄書與
婦母新婦子者斥后也 文宣天保中陸法和入國書
其屋壁曰十年天子爲尙可百日天子急如火周年天
子迭代坐時文宣帝享國十年而崩廢帝嗣立百餘日
用替厥位孝昭卽位一年而崩此其效也 又童謠曰

一束橐兩頭然河邊殺癩飛上天橐然兩頭於文爲高

文獻通考

卷一百一十五

物異

七

河邊殺癩爲水邊洋指文宣明也 後主武平元年童

謠曰狐餞尾你欲除我我除你其年四月隴東王胡長

仁謀遣刺客殺和士開專露反爲士開所誣死 二年

童謠曰和士開七月三十日將你向南臺小兒唱訖一

時拍手云殺却至七月二十五日御史中丞琅邪王儼

執士開送於南臺而斬之是歲又有童謠曰七月刈禾

傷早九月喫饅正好十月洗蕩飯囊十一月出却趙老

七月士開被誅九月琅邪王遇害十一月趙彥深出爲

西兗州刺史 武平末童謠曰黃花勢欲落清鑪但滿

酌時穆后母子淫僻于預朝政時人患之穆后小字黃

花尋逢齊亡欲落之應也 鄴中又有童謠曰金作掃
帚玉作杷淨掃殿屋迎西家未幾周師入鄴
後周初有童謠曰白楊樹頭金雞鳴祇有阿舅無外甥
靜帝隋氏之甥既遜位而崩諸舅強盛 宣帝與宮人
夜中連臂踏蹠而歌曰自知身命促把燭夜行遊帝卽
位二年而崩

隋文帝開皇十年高祖幸并州宴秦孝王及王子相帝
爲四言詩曰紅顏詎幾玉貌須臾一朝花落白髮難除
明年後歲誰有誰無明年而子相卒十八年而秦孝王
薨 煬帝大業十一年帝自京師如東都至長樂宮飲

文獻通考

卷一百一十五

物異

文

酒大醉因賦五言詩其卒章句曰徒有歸飛心無復因
風力令美人再三吟詠帝泣下露襟侍御者莫不歛衄
帝因幸江都復作五言詩曰求歸不得去真成遭箇春
鳥聲爭勸酒梅花笑殺人帝以三月被弑卽遭春之應
也是年盜賊蜂起道路隔絕帝懼遂無還心帝復夢二
豎子歌曰住亦死去亦死未若乘船度江水由是築宮
丹陽將居焉功未就而帝被殺 大業中童謠曰桃李
子鴻鵠遶陽山宛轉花林裏莫浪語誰道許其後李密
坐楊元感之逆爲吏所拘在路逃叛潛結羣盜自陽城
山而來襲破洛口倉後復屯兵苑內莫浪語密也宇文

化及自號許國尋亦破滅誰道許者蓋驚疑之亂也

唐竇建德未敗時有謠曰豆入牛口勢不得久 太宗

貞觀十四年交河道行軍大總管侯君集伐高昌先是

其國中有童謠曰高昌兵馬如霜雪漢家兵馬如日月

日月照霜雪回首自消滅 高宗永徽後民歌武媚娘

曲 永徽末里歌有桑條韋也女時韋也樂 龍朔中

時人飲酒令曰子母相去離連臺拗倒俗謂杯盤爲子

母又名盤爲臺又里歌有突厥鹽 高宗自調露中欲

封嵩山屬突厥叛而止後又欲封以吐蕃入寇遂停時

童謠曰嵩山凡幾層不畏登不得但恐不得登三度徵

文獻通考

卷一百一十五

物異

九

兵馬傍道打騰騰 調露初京城民謠有側堂堂橈堂

堂之言太常丞李嗣真曰側者不正橈者不安自隋以

來樂府有堂堂曲再言堂者唐再受命之象 永淳元

年七月東都大雨人多殍踏先是童謠曰新禾不入箱

新麥不入場迨及八九日狗吠空垣牆 永淳後民歌

曰楊柳漫頭駝 武后垂拱後東都有契苾兒歌皆淫

豔之詞契苾張易之小字也 如意初里歌曰黃塵黃

塵草裏藏彎弓射爾傷其後王孝傑敗於黃塵谷 中

宗神龍以後民謠曰山南烏鵲窠山北金駱駝鑿柯不

鑿孔斧子不施柯山南唐也烏鵲窠者人居寡也山北

胡也金駱駝者虜獲而重載也 安樂公主於洛州造

安樂寺童謠曰可憐安樂寺了了樹頭懸 景龍中民

謠曰黃牯犢子挽紉斷兩足踏地鞋屨斷城南黃牯犢

子韋又有阿緯娘歌時又謠曰可憐聖善寺身著綠毛

衣牽來河裏飲踏殺鯉魚兒 元宗在潞州有童謠曰

羊頭山北作朝堂 天寶中有術士李遐周於元都觀

院廡閒爲詩曰燕市人皆去函關馬不歸人逢山下鬼

環上繫羅衣而人皆不悟近詩妖也 又祿山未反時

童謠曰燕燕飛上天天上女兒鋪白氈氈上有千錢

時幽州有謠曰舊來誇戴竿今日不堪看但看五月裏

文獻通考

卷一百一十五

物異

五

清水河邊見契丹 德宗時或爲詩曰此水連涇水雙

眸血滿川青牛逐朱虎方號太平年近詩妖也 朱泚

未敗前兩月有童謠曰一隻筋兩頭朱五六月化爲胆

憲宗元和初童謠曰打麥打麥三三三乃轉身曰舞

了也 宣宗大中末京師小兒壘布漬水紐之向日謂

之曰拔暈 懿宗咸通七年童謠曰草青青被嚴霜鵲

始後看顛狂 十四年成都童謠曰咸通癸巳出無所

之蛇去馬來道路稍開頭無片瓦地有殘灰是歲歲陰

在巳明年在午巳蛇也午馬也 僖宗時童謠曰金色

蝦蟆爭弩眼翻却曹州天下反 乾符六年童謠曰八

月無霜寒草青將軍騎馬出空城漢家天下西巡狩猶
向江東更索兵 中和初童謠曰黃巢走泰山東死在
翁家翁

宋仁宗皇祐中廣源蠻酋儂智高反陷邕州時謠言曰
農家種糴家收後宣徽使狄青討平之 高宗紹興中
鼎豐劇盜夏誠劉衡二寨據險不可破二盜有口占末
云除是飛過洞庭湖後卒爲岳飛所破 二年李綱帥
長沙道過建寧有僧宗本題於邑治之壁曰東燒西燒
日月七七後數日江西盜李敦仁入竟焚其邑乃七月
七日也 二十五年春秦熹謁告建康遊茅山題詩版

文獻通考

卷一百九

物異

三

揭於華陽觀梁間是晚視之其側隱隱有白字可識末
云榮華富貴三春夢顏色馨香一土堆是冬檜死 孝

宗淳熙中河決入汴梁宋閒爲之語曰黃河災天水來
天水國姓也遺黎以爲恢復之兆時淮西競歌汪秀才
曲曰騎驢渡江過江不得又爲獠舞以和之後舒城狂
生汪格謀不軌州兵入其家縛之其子拒殺聚惡少數
千爲亂聲言渡江事平格赤伏誅 七年正月行都餘
杭門外牆壁有詩其言頗涉怪後廉得主名杖遣之主
管城北廂劉君暨以失察異言坐削秩其詩不錄 十

四年都城市井歌曰汝亦不來我家我亦不來汝家流

傳四方莫詳其指過紹熙二三年其事始應於兩宮
淳熙末上以恢復之占訪莎衣道人何者何授以歌詞
末云胡孫死鬧啾啾也須還我一百州後金酋葛王死
其孫璟立不以序諸酋爭立內亂志士以撫機爲惜
光宗紹熙三年都城市井有取程頤語錄語雜以穢褻
盛行於市朝廷知而禁之後三年僞學之禍乃作 寧
宗慶元四年三月甲辰有郵笥置詩謠達御前者上諭
宰臣究其事詩亦不錄 嘉泰四年越人盛歌鐵彈子
白塔湖曲是冬有盜金十一者號鐵彈子聚衆剽掠不
可制賊黨稍平謬傳其鬪死白塔湖中帥臣以聞後覆
文獻通考 卷一百一十五 物異 三
出獲之諸暨縣始就僂 開禧二年鄂州民謠塞上將
軍少城南從事多宣威不可問恢復竟如何時權臣開
邊鄂爲宣撫使置司多辟親故幕賓聚城南爲酣縱云
嘉定三年都城市井作歌詞末皆曰東君去後花無
主朝廷惡而禁之未幾景獻太子薨

文獻通考卷第三百十

鄱陽馬端臨貴與著

物異考十六

訛言

漢成帝建始三年十月丁未京師相驚言大水至渭水

虜上小女陳持弓年九歲師古曰虜上地名也音斯走入橫城門入

未央宮尙方掖門殿門門內諸衛戶者莫見至句盾禁

中而覺得師古曰句盾少府之署民以水相驚者陰氣

盛也小女而入宮殿中者下人將因女寵宮室之象也

名曰持弓有似周家檠弧之祥易曰弧矢之利以威天

文獻通考

卷一百一十

物異

一

下師古曰下是時帝母王太后弟鳳始為上將秉國政

天知其後將威天下而入宮室故象先見也其後王氏

兄弟父子五侯秉權至莽卒篡天下蓋陳氏之後云京

房易傳曰妖言動衆茲謂不信路將亡人司馬死成

帝綏和二年八月庚申鄭通里男子王褒師古曰鄭縣之通里

絳衣小冠帶劍之北司馬門殿東門師古曰入北司馬門又入殿之東門

也上前殿入非常室中如淳曰殿上室名解帷組結佩之師古曰組

綬類所以繫帷又垂以爲飾也佩帶之招前殿署長業等曰天帝令我居

此業等收縛拷問褒故公車大誰卒應劭曰在司馬殿門掌誰呵者也服

虔曰衛士之師也著樊噲冠師古曰大誰者主問非常之人云姓名是誰也而應氏乃以謹謹為義云大謹呵

不當厥理後之學者輒改此書誰字爲謹違本文矣大
誰本以誰何稱因用名官有大誰長今此卒者長所領
士卒 病狂易師古曰謂病狂不自知入宮狀下獄死是
也

時王莽爲大司馬哀帝卽位莽乞骸骨就第天知其必

不退故因是而見象也姓名章服甚明徑上前殿路寢

入室取組而佩之稱天帝命然時人莫察後莽就國天

下寃之哀帝徵莽還京師明年帝崩莽復大司馬因是

而篡國 哀帝建平四年正月民驚走持臺或扱一枚

如淳曰扱麻幹也師古曰稟禾稗傳相付與曰行詔籌

也音工老反扱音鄒又則久反道中相過逢多至千數或被髮徒踐師古曰徒踐或夜

折關或逾牆入或乘車騎奔馳以置驛傳行經歷郡國

文獻通考卷十 物異 二

二十六至京師其夏京師郡國民聚會里巷阡陌設張

博具師古曰博 戲之具歌舞祠西王母又傳書曰母告百姓佩

此書者不死不信我言視門樞下當有白髮師古曰樞 門扇所由

問閉者也 音昌于反至秋止是時帝祖母傅太后驕與政事師古 曰與

讀曰 豫故杜鄴對曰春秋災異以指象爲言語籌所以紀

數民陰水類也水以東流爲順走而西行反類逆上象

數度放溢妄以相予違忤民之心也西王母婦人之稱

博奕男子之事於街巷阡陌明離闈內師古曰闈門 也音魚列反

與疆外師古曰與 讀曰豫臨事盤樂亢陽之意白髮衰年之象

體尊性弱難理易亂門人之所由樞其要也居人之所

由制持其要也其明甚著今外家丁傅竝侍帷幄布於
列位有罪惡者不坐辜罰亡功能者畢受官爵皇甫三
桓詩人所刺春秋所譏亡以甚此師古曰皇甫周卿士
之字也周后嬖寵而
處職位詩刺之事見小雅十月之交篇指象昭昭以覺聖朝奈何不應後
哀帝崩成帝母王太后臨朝王莽爲大司馬誅滅丁傅
一曰丁傅所亂者小此異乃王太后莽之應云

按訛言惟唐史志置之詩妖之後諸史皆無之惟
錯見於言不從及人痾條下今撮取其語言之妖
異類世俗所謂語讖者立訛言一門云

王莽始建國元年長安狂女子碧呼道中碧女子
名也曰

文獻通考

卷第十

物異

三

高皇帝大怒趣歸我國不者九月必殺汝莽收捕殺
之二年十一月立國將軍建奏今日癸酉不知何

一男子遮臣建車前自稱漢氏劉子與成帝下妻子

也下妻猶
小妻劉氏當復趣空宮趣音
促收繫男子卽常安

姓武字仲大逆無道請論如法 天鳳元年民訛言

黃龍墮死黃山宮中百姓奔走往觀者有萬數莽惡

之師古曰莽自謂
黃德故惡此妖捕繫問語所從起不能得

後漢安帝永初元年十一月民訛言相驚司隸并冀州
民人流移時鄧太后專政婦人以順爲道夫死從子今
專主王事此不從而僭也 靈帝熹平二年六月洛陽

民訛言虎賁寺東壁中有黃人形容鬚眉良是觀者數萬省中悉道路斷絕到中平元年二月張角兄弟起兵冀州自號黃天三十六方四面出師將帥星布吏士外屬因其疲餒幸而勝之光和元年五月壬午何人白衣欲入德陽門辭我梁伯夏教上殿爲天子中黃門桓賢等呼門吏僕射欲收縛須臾還走求索不得不知姓名蔡邕以爲類成帝時男子王褒入宮事以往況今將有狂狡之人欲爲王氏之謀其事不成其後張角稱黃天作亂竟破壞應劭曰尙書春秋左傳伯益佐禹治水封於梁颺叔安有裔子曰董父帝舜賜姓董氏董氏之文獻通考

卷一百一十

物異

四

祖與梁同焉其後董卓自外入廢帝殺后梁本安定而卓隴西人俱涼州也袁山松曰張角一時狡亂不足致此大異斯乃曹氏滅漢之證梁卽魏地之名伯夏明於中夏非溥天之稱後主嗣位譙周曰先主諱備其訓具也後主諱禪其訓授也若言劉已具矣當授與人甚於晉穆侯漢靈帝命子之祥也蜀果亡魏齊王嘉平中東郡有訛言云白馬河出妖馬夜過官牧邊嗚呼衆馬皆應明日言其跡大如斛行數里還入河楚王彪本封白馬兗州刺史令狐愚與王凌謀共立之事泄俱死

晉惠帝永寧初齊王冏唱義兵誅亂逆乘輿反正忽有婦人詣大司馬門求寄產門者詰之婦曰我餓臍便去耳其後冏果斬戮 永寧元年十二月甲子有白頭公入齊王冏大司馬府大呼曰有大兵起不出甲子旬冏殺之明年十二月戊辰冏敗卽甲子旬也 泰安元年四月癸酉有人自雲龍門入殿前北面再拜曰我當作中書監卽收斬之于寶以爲禁庭尊祕之處今賤人徑入而門殿不覺者宮室將虛而下人逾上之妖也是後帝北遷鄴又遷長安宮闕遂空焉 元帝永昌元年大

將軍王敦下據姑孰百姓訛言蟲病食人大孔數日入

文獻通考

卷千

物異

五

腹入腹則死療之有方當得白犬膽以爲藥自淮泗遂及京都數日之間百姓驚擾人人皆自云已得蟲病又云始在外時當燒鐵以灼之於是翕然被燒灼者十七八矣而白犬暴貴至相請奪其價十倍或有自云能行燒鐵灼者賃灼百姓日得五六萬億而後已四五日漸靜說曰夫裸蟲人類而人爲之主今云蟲食人言本同臭類而相殘賊也自下而上明其逆也必入腹者言害由中出不由外也犬有守衛之性白者金色而膽用武之主也帝王之運王霸會於戊戌主用兵金者晉行火燒鐵以療疾者必去其類而來火與金合德共除蟲害

也按中興之際大將軍本以腹心受伊呂之任而元帝末年遂攻京邑明帝諒闇又有異謀是以下逆上腹心內爛也及錢鳳沈充等逆兵四合而爲王師所挫逾月而不能濟水北中郎劉遐及淮陵內史蘇峻率淮泗之衆以救朝廷故其謠言首作於淮泗也朝廷卒以弱制強罪人授首是用白犬膽可救之效也 海西公時庾晞四五年中喜爲挽歌自搖大鈴爲倡使左右齊和又醜會輒令倡技作新安人歌舞離別之辭其聲悲切時人怪之後亦果敗 孝武帝太元中小兒以兩鐵相打

於土中名曰鬪族後王國寶王孝伯一姓之中自相攻

文獻通考

卷百十

物異

六

擊也

桓元初改年爲大亨遐邇謹音暄音言曰二月了故義謀

以仲春發也元篡立又改年爲建始以與趙王倫同

又易永始永始復是王莽受封之年也

苻堅時有人於明光殿大呼曰甲申乙酉魚羊食人

悲哉無復遺堅命執之俄而不見祕書監朱彤等因

請誅鮮卑堅不從也

宋明帝時訛言東城天子出其後建安王休仁鎮東府

帝懼殺休仁而常閉東府不居明帝又屢幸改代作伐

以獸王氣又使子安成王代之及蒼梧王敗安成王代

立咸言爲驗術數者推齊高祖舊居武進東城村東城之言其在此也

齊武帝時文惠太子立樓館於鍾山下號曰東田太子屢遊幸之東田反語爲顛童也武帝又於青溪立宮號曰舊宮反之窮廡也至鬱林王果以輕狡而至於窮又武帝時小史姓名太子武帝曰皇太子非名之謂於是移點於外易名犬子處士何點曰太子者天地之所懸三才之所繫今化而爲犬不得立矣旣立文惠太子薨鬱林海陵相繼廢黜此其驗也 文惠太子與才人共賦七言詩句後輒云愁和帝至東昏以暴虐殞南文獻通考

卷一百一

物異

七

康王寶融卽位禪於梁以弑殞諡和帝其言乃驗焉

梁武帝天監十三年六月都下訛言有棖棖取人肝肺及血以飴天狗百姓大懼二旬而止 大通五年十二月都下訛言天子取人肝以飴天狗大小相警日晚便閉門持杖數月乃止

武陵王紀僭帝位建元曰天正永豐侯蕭摛曰王不克矣昔桓元年號大亨有識者以爲二月了而元之敗實在仲春今日天正正之爲文一止其能久乎果一年而敗

陳後主時諸省官人多稱省主北齊末亦有此稱識者

以爲主將見省之兆未幾國亡

比齊文宣帝太子殷當冠詔令邢子才爲制字子才字之曰正道帝曰正一止也吾兒其替乎子才請改帝不許曰天也後卒爲常山王所廢殺 武成河清三年晉陽訛言有鬼兵百姓競擊銅鐵以杆之 後主武平七年爲周師所敗走至鄴自稱太上皇傳位太子恆改元隆化時人離合其字曰降死竟降周而死 周武帝改元爲宣政梁主蕭巋離合其字爲字文亡日其年六月帝崩

隋文帝開皇初梁主蕭琮改元廣運江陵父老相謂曰

文獻通考

卷一百一十

物異

八

運之爲字軍走也吾君當爲軍所走乎後琮朝京師被拘畱不反梁國遂廢 文帝名皇太子曰勇晉王曰英秦王曰俊蜀王曰秀開皇初有人上書言勇者一夫之用又千人之秀爲英萬人之秀爲俊斯乃布衣之美稱非帝王之嘉名也帝不省時人呼楊姓多爲羸者或言於上曰楊英反爲羸殃帝不憚遽改之其後勇俊秀皆被廢黜煬帝終失天下爲楊氏之殃 煬帝改元大業識者惡之曰於字離合爲大苦來也尋而天下喪亂率土遭荼炭之酷

唐太宗貞觀十七年七月民訛言官遣棖棖殺人以祭

天狗云其來也身衣狗皮鐵爪每於閭中取人心肝而去於是更相震怖每夜驚擾皆引弓劍自防無兵器者剡竹爲之郊外不敢獨行太宗惡之令通夜開諸坊門宣旨慰諭月餘乃止 武后時民飲酒謳歌曲終而不盡者謂之族鹽 元宗開元二十七年十月改作東都明堂訛言官取小兒埋明堂下以爲獸勝村野兒童藏於山谷都城騷然或言兵至元宗惡之遣使慰諭久之乃止 天寶三載二月辛亥有星如月墜於東南墜後有聲京師訛言官遣棖棖捕人取肝以祭天狗人頗恐懼畿內尤甚遣使安諭之與貞觀十七年占同 天寶

文獻通考

卷百十

物異

九

後詩人多爲憂苦流寓之思及寄興於江湖僧寺而樂曲亦多以邊地爲名有伊州甘州涼州等至其曲徧繁聲皆謂之入破又有胡旋舞本出康居以旋轉便捷爲巧時又尙之破者蓋破碎云 德宗建中三年秋江淮訛言有毛人食其心人情大恐 朱泚旣僭號名其舊第曰潛龍宮移內府珍貨實之占者以爲易稱潛龍勿用此敗祥也 文宗太和九年京師訛言鄭注爲上合金丹生取小兒心肝密旨捕小兒無算往往陰相告曰某處失幾兒矣方士言金丹可致神仙蓋誕妄不經之語或信而服之則發熱多死如其所戒云小兒無辜者

取其心肝將有殺戮象 劉從諫未死時潞州有狂人折腰於市曰石雄七千人至矣從諫捕斬之 懿宗咸通十四年秋成都訛言有狹母鬼夜入人家民皆恐夜則聚坐或曰某家見鬼眼晃然如燈爛民益懼 黃巢

未入京師時都人以黃米及黑豆屑蒸食之謂之黃賊打黑賊 僖宗時里巷鬪者激怒言任見右廂天子

晉高祖天福中兩浙兒童聚戲率以趙字爲語助如言得曰趙得可曰趙可自是一國之人語言無不以趙字兼之者及晉末趙延壽貴盛浙人謂必應讖後延壽爲北虜所繫而謠言益盛洎太祖受禪始悟焉 天福末

文獻通考

卷一百一十

物異

十

宣州太平縣掘地得石記云天子冀州人時李景據江表名子曰冀欲當之及太祖開統方悟冀州趙地也

出帝開運末宋州宋城縣有異僧常挾彈持銅丸走榛莽中如飛指其地曰不二十年當有帝王由此建號

後周太祖廣順初江南伏龜山圯得石函長二尺廣八寸中有鐵銘云維天監十四年秋八月葬寶公於銘背有引曰寶公嘗爲此偈大書於版白巾冪之人欲讀者必施數錢乃得讀訖卽冪之是時名臣陸倕王筠姚察而下皆莫知其旨或問之云在五百年後至卒乃鑄其偈同葬焉銘曰莫問江南事江南自有憑乘雞登寶位

跨犬出金陵子建司南位安仁秉夜燈東鄰家道闕隨
虎遇明興其字皆小篆體勢完具徐鉉徐鍇韓熙載皆
不能解及煜歸朝好事者云煜以丁酉年生辛酉年襲
位卽雞也開寶八年甲戌江南國滅是跨犬也當王師
圍其城而曹彬營其南是子建司南位也潘美營其北
是安仁秉夜燈也其後太平興國戊寅歲淮海王錢俶
舉國入覲卽東鄰也家道闕者意無錢也隨虎戊寅年
也 世宗顯德六年二月癸巳有一人敝衣冠闌入中
書升政事堂據牀而坐堂吏叱之曰何人遣爾至此其
人曰宋州官家教我來此吏具白其事於宰臣宰臣密
文獻通考

卷一百一

物異

十一

令遣之尋不知所適其年六月十九日世宗崩明年正
月四日大宋受命

荆南高從誨鑿池於山亭下得石匣長尺餘扁鑄甚
固從誨神之屏左右焚香啓匣中得石有文云此去
遇龍卽歇及建隆中從誨孫繼沖入朝改鎮徐州龍
隆音相近

宋太祖建隆中京師士庶及樂工少年競唱歌曰五來
子聲調清逸徧於里巷自建隆至開寶凡平荆湖川廣
江南五國而中原混一矣時西川孟昶賦斂無度射利
之家配率尤甚旣乏緡錢唯仰在質物乃競書簡扎揭

於門曰今召主收贖又每歲除日命翰林爲詞題桃符
正旦置寢門左右末年學士辛寅遜撰詞昶以其非工
自命筆題新年納餘慶嘉節號長春昶以其年正月十
一日降王師卽命呂餘慶知成都府而長春乃太祖誕
聖節名也召與趙贖與蜀同音 開寶初廣南劉鋹令

民家置貯水桶號防火大桶又鋹末年童謠曰羊頭二
四白天雨至後王師以辛未年二月四日擒鋹識者以
爲國家以火德王房爲宋分羊未神也兩者王師如時
雨之義也防與房桶與統同音 太宗太平興國中京

師童兒以木雕合子中有竅藏掖下蹙之有聲號爲掖

文獻通考

卷禧十

物異

三

底鬧後盧多遜有罪投荒人以爲讖其在肘掖而干國
典也 雍熙中京師人破竹爲細縷以五色紙爲胡蝶

綴其杪兩兩相對手撚之遞相飛觸謂之鬪胡蝶其後
河朔頻歲用兵 眞宗天禧二年五月西京民訛言有
物如烏帽夜飛入人家又變爲犬狼狀攫人民多恐駭
每夕重閉深處至持兵器驅逐者六月乙巳傳及京師
云能食人里巷聚族環坐叫噪達曙軍營中尤甚而實
無狀意其妖人所爲有詔嚴捕得數輩訊之皆非 仁

宗皇祐五年正月戊午狄青敗儂智高於歸仁鋪初謠
言農家種糴家收至是智高果爲青所破 徽宗政和

七年詔修神保觀俗所謂二郎神者京師人素畏之自春及夏傾城男女負土以獻揭榜通衢云某人獻土又有飾形作鬼使巡門催納土者或謂蔡京曰獻土納土非佳語也後數日有旨禁絕宣和六年御樓觀燈時開封尹設次以彈壓於西觀下上從六宮於其上以觀天府之斷決者簾幕深密下無由知衆中忽有人躍出墨色布衣若寺僧童行狀以手畫簾出指斥語執於觀下上怒甚令中使傳旨治之箠掠亂下又加炮烙詢其誰何略不一語亦無痛楚之狀又斷其足筋俄施刀鬻血肉狼籍上大不悅爲罷一夕之歡竟不得其何人付文獻通考

卷一百一十

物異

三

獄盡之七年八月有都城東門外鬻菜夫至宣德門下忽著迷罔釋荷擔向門戟手出悖詈語且曰太祖皇帝神宗皇帝使我來道尙宜速改也邏卒捕之下開封獄一夕方省則不知向之所爲者乃於獄中盡之高宗建炎二年十一月駐蹕揚州郊祀後數日有狂人具衣冠執香鑪攜絳囊拜於行宮門外自言天遣我爲官家兒書於囊紙刻於右臂皆是語鞠之不得姓名上以其狂釋不問明年二月金虜犯維揚三月有明受之變紹興元年四月庚辰閩州有狂僧縷經哭於郡譙門

曰今日佛下世且言且哭實隆祐太后上仙日云閩距

行都萬里逾月而遺詔至十二月越州連有火後民訛言相驚十六日當再有火樞密院以軍法禁之乃定

孝宗淳熙十四年正月紹興府有狂人突入恩平郡王第升堂踐王座曰我太上皇孫來報訃音鞠訊終不語是冬高宗晏駕明年八月王薨 光宗紹熙元年三月

行都市人夜以殺相驚奔迸者久乃定與漢志永初民相驚同占 二年十二月庚寅昧爽成都府有人縗服

入帳門大呼問帥京鐘姓名後八年鐘薨相位蓋慶元六年前五日光宗晏駕後四日皇子冲温幽王薨時慈

懿皇后梓宮在殯 寧宗慶元六年十月瓊州訛言妖

文獻通考 卷一百一十五 物異 四

星流墮民舍郭七家聲如雷通守會丰瓊山縣令移文

往復民獠驚喧後皆坐黜 嘉泰二年六月故循王張

俊家火後旬日市井訛言相驚有絳衣婦人爲火殃下

墜都民皆徙避晝夜不遑寧處此訛言也禁之後亦不

火

服妖

春秋左氏傳閔公二年晉獻公使太子申生出師公衣

之偏衣 謂左右異色其半象公之服 佩之金玦 半環曰玦以金爲之 狐突歎曰

時事之徵也衣身之章也佩衷之旗也 旗表也衣所以明貴賤佩所以

表中 故敬其事則命以始 賞以春夏 服其身則衣之純 壹其色

用其衷則佩之度佩玉者君今命以時卒闕其事也卒

也闕開也謂十衣以龍服遠其躬也龍雜色謂佩以金

瑛棄其衷也服以遠之時以闕之涼薄也龍色不能純故曰薄也冬主殺氣梁

胡可恃也涼薄也龍色不能純故曰薄也冬主殺氣梁

餘子養曰帥師者受命於廟受賑於社有常服矣御軍

則韋弗獲而龍命可知也死而不孝不如逃之罕夷曰

龍奇無常金瑛不復君有心矣奇奇怪非常意復反也

也有心言有害太子後四年申生以讒自殺近服妖也

鄭子臧好聚鵠冠鵠今鄭文公惡之使盜殺之劉向

以為近服妖也

文獻通考卷第千物異五

漢昭帝時昌邑王賀遣中大夫之長安多治仄注冠應

曰今法冠是也李奇曰一曰高山冠本齊冠也謂者服

之師古曰仄古側字也謂之側注者言形側立而下注

也蔡邕云高九寸鐵為卷非以賜大臣又以冠奴劉向

以為近服妖也時王賀狂悖師古曰悖惑聞天子不豫

師古曰言有疾不悅豫也弋獵馳騁如故與騶奴宰人

游居娛戲驕慢不敬膳者也娛樂也戲音嘉主冠者尊

服奴者賤人賀無故好作非常之冠暴尊象也以冠奴

者當自至尊墜至賤也師古曰墜隨其後帝崩無子漢

大臣徵賀為嗣即位狂亂無道縛戮諫者夏侯勝等於

是大臣白皇太后廢賀為庶人賀為王時又見大白

狗冠方山冠而無尾

鄧展曰方山冠以玉采穀鳥之樂舞人所服

此服妖亦

犬禍也賀以問郎中令龔遂遂曰此天戒言在仄者盡

冠狗也

師古曰言王左右侍側之人不識禮義若狗而著冠者耳冠音工喚反其下亦同

去之

則存不去則亡矣賀既廢數年宣帝封之為列侯復有

罪死不得置後又犬禍無尾之效也京房易傳曰行不

順厥咎人奴冠天下亂辟無適

如淳曰辟君也適適子也師古曰辟音壁適讀

曰妾子拜

如淳曰無適子故也

又曰君不正臣欲篡厥妖狗冠出

朝門 成帝鴻嘉永始之間好為微行出游選從期門

郎有材力者及私奴客多至十餘少五六人皆白衣袒

幘師古曰袒幘不加上冠

帶持弓劍或乘小車御者在茵上

蘇林曰茵

文獻通考

卷一百一十

物異

六

車上蓐也御者錯亂更在茵上坐也師古曰車

小故御者不得回避而在天子茵上也茵音因

出入市里郊野遠至旁縣大臣車騎將軍王音及劉向

等數以切諫谷永諫曰陛下棄萬乘之至尊樂家人之

賤事離深宮之固挺身獨與小人晨夜相隨烏集醉飽

吏民之家亂服共坐溷肴亡別典門戶奉宿衛之臣執

干戈衛空宮公卿百僚不知陛下所在積數年矣

後漢更始諸將軍過洛陽者數十輩皆幘而衣婦人衣

繡擁毳時智者見之以為服之不衷身之災也乃奔入

邊郡避之是服妖也其後更始為赤眉所殺 桓帝元

嘉中京都婦女作愁眉曉妝墮馬髻折腰步齟齬笑所

謂愁眉者細而曲折，嘵妝者薄拭目下若嘵處，墮馬髻者作一邊。

梁冀別傳曰：冀婦女又有不聊生髻。

折腰步者，足不在體下，齟

齒笑者，若齒痛樂不欣欣，始自大將軍梁冀家所爲。京都翁然，諸夏皆倣效。此近服妖也。梁冀二世上將婚，媾王室，大作威福，將危社稷。天戒若曰：兵馬將往收捕婦女，憂愁蹙眉，嘵泣吏卒，掣頓折其腰脊，令髻傾邪，雖強語笑，無復氣味也。到延熹二年，舉宗誅夷。延熹中，梁

冀誅後，京都幘頰短耳長短上長下，時中常侍單超左意徐璜具瑗唐衡在帝左右，縱其姦慝，海內愠曰：一將軍死，五將軍出家，有數侯子弟列布州郡，賓客雜襲，騰

文獻通考

卷百十

物異

七

翦上短下長，與梁冀同。占到其八年，桓帝因日蝕之變，乃拜故司徒韓寅爲司隸校尉，以次誅鋤京都正清。

臣昭

按本傳寅誅左意，貶具瑗，雖剋折姦首，羣閭相蒙京都未爲正清。

延熹中，京都長者

皆著木屐，婦女始嫁，至作漆畫五綵爲系，此服妖也。到九年，黨事始發，傳黃門北寺，臨時惶惑，不能信天任命，多有逃走不就考者。九族拘繫及所過，歷長少婦女，皆被桎梏，應木屐之象也。靈帝建寧中，京都長者皆以

葦方笥爲妝具，下士盡然。時有識者竊言：葦方笥，郡國讞篋也。今珍用之，此天下人皆當有罪，讞於理官也。到光和三年癸丑，赦令詔書吏民，依黨禁錮者，赦除之。有

不見文他以類比疑者讞於是諸有黨郡皆讞廷尉人名悉八方笥中 靈帝好胡服胡帳胡牀胡坐胡飯胡

坎侯胡笛胡舞京都貴戚皆競爲之此服妖也其後董卓多擁胡兵填塞街衢虜掠宮掖發掘園陵 靈帝於

宮中西園駕四白驢躬自操轡驅馳周旋以爲大樂於是公卿貴戚轉相放效至乘輜駟以爲騎從互相侵奪

賈與馬齊案易曰時乘六龍以御天行天者莫若龍行地者莫如馬詩曰四牡騤騤載是常服檀車煌煌四牡

彭彭夫驢乃服重致遠上下山谷野人之所用耳何有帝王君子而驂服之乎遲鈍之畜而今貴之天意若曰

文獻通考

卷五十二

物異

六

國且大亂賢愚倒植凡執政者皆如驢也其後董卓虐王室多援邊人以克本朝胡夷異種跨蹈中國 熹

平中省內冠狗帶綬以爲笑樂有一狗突出走入司徒府門或見之者莫不驚怪 袁山松書曰光和四年又京於西園弄狗以配人也 京

房易傳曰君不正臣欲篡厥妖狗冠出後靈帝寵用羣小又於西園賣官天戒若曰在位多非其人如狗而冠

也 靈帝數遊戲於西園中今後宮綵女爲客舍主人身爲商賈服行至舍綵女下酒食因共飲食以爲戲樂

此服妖也其後天下大亂 風俗通曰時京師賓婚嘉會皆作傀儡酒酣之後續以挽

歌傀儡喪家之樂挽歌執紼相偶和之者天戒若曰國家當急殄頽諸貴樂皆死亡也自靈帝嚙後京師壞滅

戶有兼屍蟲而相食
魁儼挽歌斯之效也

獻帝建安中男子之衣好爲長躬而下甚短女子好爲長裙而上甚短時益州從事莫嗣以爲服妖是陽無下而陰無上也天下未欲平也後還遂大亂

魏武帝以天下凶荒資財匱乏始擬古皮弁裁縑帛爲

白帟

苦洽反

以易舊服傅元曰白乃軍容非國容也于寶

以爲縞素凶喪之象也名之爲帟毀辱之言也蓋革代

之後劫殺之妖也

明帝日著繡帽披縹

陳紹反

紈半袖

常以見直臣楊阜諫曰此禮何法服邪帝默然蓋近服

妖也夫縹非禮之色

襄音薛

服尙不以紅紫況接臣下乎

文獻通考

卷第千

物異

五

人主親御非法之章所謂自作孽不可禳也帝既不享永年身沒而祿去王室後嗣不終遂亡天下 景初元年發銅鑄爲巨人二號曰翁仲置之司馬門外按古長人見爲國亡長狄見臨洮爲秦亡之禍始皇不悟反以爲嘉祥銅鑄人以象之魏法亡國之器而於義竟無取焉蓋服妖也 尙書何晏好服婦人之服傅元曰此服妖也夫衣裳之制所以定上下殊內外也大雅云元衮赤舄鉤膺鏤錫歌其文也小雅云有嚴有翼共武之服詠其武也若內外不殊王制失敘服妖旣作身隨之亡末嬉冠男子之冠桀亡天下何晏服婦人之服亦亡其

家其咎均也

吳婦人修容者急束其髮而劇音靡角過於耳蓋其俗自

操束太急而廉隅失中之謂也故吳之風俗相驅以急

言論彈射以刻薄相尙 孫休後衣服之制上長下短

又積領五六而裳居一二于寶曰上饒奢下儉逼上有

餘下不足之妖也至孫皓果奢暴恣情於上而百姓彫

困於下卒以亡國

晉武帝泰始初衣服上儉下豐著衣者皆獸反要一宵此

君衰弱臣放縱下掩上之象也至元康末婦人出兩襜

加乎交領之上此內出外也為車乘者苟貴輕細又數

文獻通考卷第千 物異 千

變易其形皆以白篋為純蓋古喪車之遺象也夫乘者

君子之器蓋君子立心無恆事不崇實也于寶以為晉

之禍徵也及惠帝踐祚權制在於寵臣下掩上之應也

至永嘉末六宮才人流冗沒於戎狄內出外之應也及

天下撓亂宰輔方伯多負其任又數改易不崇實之應

也 泰始之後中國相尙用胡牀音陌盤及為羌煮音陌

炙貴人富室必畜其器吉亨嘉會皆以為先 太康中

又以氈為帽莫格反方言帽頭幪頭也南楚江淮之間

且消反 頭及絡帶袴曰百姓相戲曰中國必為

胡所破夫氈毳此芮反產於胡而天下以為帕頭帶身袴

口胡旣三制之矣能無敗乎至元康中氏羌互反永嘉後劉石遂篡中都自後四夷迭據華土是服妖之應也初作屐者婦人頭圓男子頭方圓者順之義所以別男女也至太康初婦人屐乃頭方與男無別此賈后專妒之徵也 太康中天下爲晉世寧之舞手接杯盤而反覆之歌曰晉世寧舞杯盤識者曰夫樂生人心所以觀事也今按杯盤於手上而反覆之至危之事也杯盤者酒食之器而名曰晉世寧言晉世之士苟偷於酒食之閒而知不及遠晉世之寧猶杯盤之在手也 惠帝

元康中婦人之飾有五兵佩又以金銀瑇瑁之屬爲斧

文獻通考

卷第十

物異

三

鉞戈戟以當笄于寶以爲男女之別國之大節故服物異等贄幣不同今婦人而以兵器爲飾此婦人妖之甚者於是遂有賈后之事終亡天下是時婦人結髮者旣成以繪急束其環名曰櫛胡結反子髻始自中宮天下化

之其後賈后廢害太子之應也 元康中天下始相儆

爲烏杖以柱掖其後稍施其鐵徒猥切住則植之夫木東

方之行金之臣也杖者扶體之器烏其頭者尤便用也

必旁柱掖者旁救之象也施其金住則植之言因爲金

能孤立也及懷愍之世王室多故而此中都喪敗元帝

以藩臣樹德東方維持天下柱掖之應也至社稷無主

海內歸之遂承天命建都江外獨立之應也 元康泰

安之間江淮之域有敗屨音腳自聚於道多者至四五十

量人或散投阬谷明日視之復如故或云見狸銜聚之

子寶以爲夫屨者人之賤服處於勞辱黔庶之象也敗

者疲敝之象道者四方往來所以交通王命也今敗屨

聚於道者象黔庶罷病將相聚爲亂以絕王命也泰安

中發壬午兵百姓怨叛江夏張昌倡亂荆楚從之如流

於是革兵歲起服妖也 初魏造白帔橫縫其前以別

後名之曰顏俗傳行之至永嘉之間稍去其縫名無顏

帔而婦人束髮其緩彌甚髻之堅不能自立髮被於額

文獻通考卷百下 物異 三

日出而已無顏者媿之言也覆額者慙之貌也其緩彌

甚者言天下亡禮與義放縱情性及其終極至於大恥

也永嘉之後二帝不反天下醜焉 孝懷帝永嘉中士

大夫競服生箋單衣識者指之曰此則古者總衰音崔諸

侯所以服天子也今無故服之殆有應乎其後遂有胡

賊之亂帝遇害焉 元帝太興中兵士以絳囊縛髻識

者曰髻者在首爲乾君道也囊者坤臣道也今以朱囊

縛髻臣道上侵君之象也於是王敦陵上焉舊爲羽扇

柄者刻木象其骨形列羽用十取全數也自中興初王

敦南征始改爲長柄下出可捉而滅其羽用八識者尤

之曰夫羽扇翼之名也創爲長柄者將執其柄以制羽翼也改十爲八者將未備奪已備也此殆敦之擅權以制朝廷之柄又將以無德之材欲竊非據也是時爲衣者又上短帶纜至於掖著帽者又以帶縛項下逼上上無地也爲袴者直幅爲口無殺下大之象尋而王敦謀逆再攻京師海西嗣位忘設豹尾天戒若曰夫豹尾儀服之主大人所以豹變也而海西豹變之日非所宜忘而忘之非主社稷之人故忘其豹尾示不終也尋而被廢焉孝武太元中人不復著帽七遙反頭天戒若曰

頭者元首帽者助元首爲儀飾者也今忽廢之若人君

文獻通考

卷一百一十

物異

三

獨立無輔佐以至危亡也至安帝桓元乃篡位焉舊

爲履者齒皆達榻

扶然反

上名曰露卯太元中忽不徹名

曰陰卯識者以爲卯謀也必有陰謀之事至烈宗末驪騎參軍袁悅之始孽構內外隆安中遂謀詐相傾以致

大亂太元中公主婦女必緩鬢傾髻以爲盛飾用髮

皮義反

既多不可恆戴乃先於木及籠上裝之名曰假髻

或名假頭至於貧家不能自辦自號無頭就人借頭遂布天下亦服妖也無幾時孝武晏駕而天下騷動刑戮

無數多喪其元至於大殮

力驗反

皆刻木及蠟或縛菰草

爲頭是假頭之應云

桓元篡立殿上施絳帳鏤黃金爲顏四角金龍銜五色羽葆音保流蘇羣下相謂曰頗類輜音而車尋而元敗此服之妖也

晉末皆冠小而衣裳博大風流相仿輿臺成俗識者曰上小而下大此禪代之象也尋而宋受終焉

齊武帝永明中百姓忽著破後帽始自建業流於四遠貴賤翕然服之此服妖也帽自蕭詵之家其流遂遠天意若曰武穆文昭皆當滅而詵亦誅死之效焉 又時

以燕支爲朱衣朝士皆服之及明帝以宗子入篡此又奪朱之效也 時又多以生紗爲帽半其裙而折之號

文獻通考

卷十

物異

三

曰倚勸先是人問語好云擾攘建武至是朝士勸進實爲忽遽倚勸擾攘之言驗 東昏時百姓皆著下屋白

紗帽而反裙覆頂東昏曰裙應在下今更在上不祥命斷之於是百姓皆反裙向下此服妖也帽者首之所寄今而向下天意若曰元首方爲猥賤乎東昏又令左右作逐鹿帽形甚窄狹後果有逐鹿之事東昏宮裏又作散叛髮反髻根向後百姓爭學之及東昏狂惑天下散叛矣東昏又與羣小別立帽爲其口而舒兩翅名曰鳳度三橋裙向後總而結之名曰反縛黃麗東昏與刀敕之徒親自著之皆用金寶鑿以璧璫又作著調帽鏤以

金玉閒以孔翠此皆天意梁武帝舊宅在三橋而鳳度之名鳳翔之驗也黃麗者皇離爲日而反縛之東昏戮死之應也調者梁武帝至都而風俗和調先是百姓及朝士皆以方帛填胸名曰假兩此又服妖假非正名也儲兩而假之明不得真也東昏誅其子廢爲庶人假兩之意也

北齊婁后臥疾寢衣無故自舉俄而后崩 文宣帝末年衣錦綺傅粉黛數爲胡服微行市里粉黛者婦人之飾陽爲陰事君變爲臣之象也及帝崩太子嗣位被廢爲濟南王又齊氏出自陰山胡服者將反初服也錦綵文獻通考

卷一百一十

物異

五

非帝王之法服微服者布衣之事齊亡之效也 後主好令宮人以白越布折額狀如鬢幘又爲白蓋此二者喪禍之服也後主果爲周武帝所滅父子同時被害武平時後主於苑內作貧兒村親衣襤縷之服而行乞其閒以爲笑樂多令人服烏衣以相執縛後主果爲周所敗被虜於長安而死妃后窮困至以賣燭爲業又婦人皆翦剔以著假髻而危邪之狀如飛鳥至於南面則髻心正西始自宮內爲之被於四遠天意若曰元首翦落危則當走西也又爲刀子者刀皆狹細名曰盡勢遊童戲者好以兩手持繩拂地而却上跳且喝曰高末高

末之言蓋高氏運祚之末也

後周靜帝大象元年服冕二十四旒車服旗鼓皆以二十四爲節侍衛之官服五色雜以紅紫令天下車以大木爲輪不施輻朝士不得佩綬婦人墨妝黃眉又造下帳如送終之具令五皇后各居其一實宗廟祭器於前帝親讀版而祭之又將五輅載婦人身率左右步從又倒懸雞及碎瓦於車上觀其作聲以爲笑樂皆服妖也帝尋暴崩而政由於隋周之法度皆悉改易

隋文帝開皇中房陵王勇之在東宮及宜陽公王世積家婦人所服領巾製同稍幡軍幟婦人爲陰臣象也而

文獻通考

卷十

物異

三

服兵幟臣有兵禍之應矣勇竟廢而遇害世積坐伏誅唐初宮人乘馬者依周舊儀著冪羅全身障蔽永徽後乃用帷帽施裙及頸頗爲淺露至神龍末冪羅始絕皆婦人預事之象太尉長孫無忌以烏羊毛爲渾脫氈帽人多效之謂之趙公渾脫近服妖也高宗嘗內宴太平公主紫衫玉帶阜羅折上巾具紛礪七事歌舞於帝前帝與武后笑曰女子不可爲武官何爲此裝束近服妖也武后時嬖臣張易之爲母臧作七寶帳有魚龍鸞鳳之形仍爲象牀犀簟安樂公主使尙方合百鳥毛織二裙正視爲一色傍視爲一色日中爲一色影中

爲一色而百鳥之狀皆見以其一獻韋后公主又以百獸毛爲韞面韋后則集鳥毛爲之皆具其鳥獸狀工費巨萬公主初出降益州獻單絲碧羅籠裙縷金爲花鳥細如絲髮大如黍米眼鼻觜甲皆備瞭視者方見之皆服妖也自作毛裙貴臣富家多效之江嶺奇禽異獸毛羽採之殆盡韋后妹嘗爲豹頭枕以辟邪白澤枕以辟魅伏熊枕以宜男亦服妖也 中宗景龍二年十一月郊祀韋后爲亞獻以婦人爲齋娘以祭祀之服執事近服妖也 中宗賜宰臣楚客等巾子樣其制高而踏卽帝在藩邸時冠也故時人號英王踏踏顛仆也 元

文獻通考

卷一百一

物異

三

宗開元二十五年正月道士尹愔爲諫議大夫衣道士服視事亦服妖也 天寶初貴族及士民好爲胡服胡帽婦人則簪步搖釵襟袖窄小楊貴妃常以假鬢爲首飾而好服黃裙近服妖也時人爲之語曰義髻拋河裏黃裙逐水流 憲宗元和末婦人爲圓鬢椎髻不設鬢飾不施朱粉惟以烏膏注脣狀似悲僝者圓鬢者上不白樹也悲僝者憂恤象也 文宗時吳越閒織高頭草履纖如綾縠前代所無履下物也織草爲之又非正服而被以文飾蓋陰邪闖葦泰侈之象 僖宗乾符五年洛陽人爲帽皆冠軍士所冠者又內臣有刻木象頭以

裹幘頭百官效之工門如市度木斫之曰此斫尙書頭
此斫將軍頭此斫軍容頭近服妖也 僖宗時內人束
髮極急及在成都蜀婦人效之時謂爲囚髻唐末京都
婦人梳髮以兩鬢抱面狀如椎髻時謂之拋家髻又世
俗尙以琉璃爲釵釧近服妖也拋家流離皆播遷之兆
云 昭宗時十六宅諸王以華侈相尙巾幘各自爲制
度都人效之則曰爲我作某王頭識者以爲不祥

蜀王衍晚年俗競爲小帽僅覆其頂俛首卽墮謂之
危腦帽衍以爲不祥禁之而衍好戴大帽每微服出
游民間以大帽識之因令國中皆戴大帽又好裹尖
巾其狀如錐而後宮皆戴金蓮花冠衣道士服酒酣
免冠其髻鬢然更施朱粉號醉妝國人皆效之

宋太祖建隆初時當蜀孟昶末年婦女競治髮爲高髻
號朝天髻未幾昶入朝京師 江南李煜末年有衛士
秦友登壽昌堂榻覆其鞋而坐訊之風狂不寤識者云
鞋友履也其李氏將覆於此地而爲秦所有乎履與李
友與有同音趙與秦同祖 又煜宮中盛雨水染淺碧
爲衣號天水碧未幾爲王師所克士女至京師猶有服
者天水國姓之望也 太宗淳化三年京師里巷婦人
競翦黑光紙團曆又裝鏤魚頭中骨號魚媚子以飾面

文獻通考

卷一百一十

物異

三

或曰黑水行魚水族皆陰類也面爲六陽之首陰侵於陽將有災明年京師秋冬積雨衢路水深數尺 眞宗景德四年春京城小兒裂裳爲小旗繫竿首相對揮颺兵鬪之象也是歲宜州卒陳進爲亂出師討平之 高宗紹興二十一年行都豪貴競爲小青蓋飾赤油火珠於蓋之尊出都門外傳呼於道國朝以火德興赤火祥也又珠者乘輿服御飾升龍用焉臣庶以加於小蓋近服妖亦僭咎也 又都市爲戲加篋巾披臥躡靴藤鞭羣吹鷓鴣笛撥葫蘆琴效胡樂胡舞長跪獻酒時狄患僅定上念境土未復將用夏變夷命有司禁止之與漢文獻通考

卷一百一十五

物異

五

靈帝時胡舞唐天寶胡服同占皆服妖也 二十三年

士庶家競以胎鹿皮製婦人冠山民採捕胎鹿無遺月

庚子言者以暴殄傷仁遂申嚴景補捕鹿之禁

紹興初去宣和未遠婦人服

飾尙集翠羽爲之與唐志百鳥毛織裙同占二十七年

交趾貢翠羽數百上命焚之通衢至是始立法亦禁之 光宗紹

熙元年里巷婦人初以琉璃釵爲首飾唐志琉璃釵釧

有流離之兆亦服妖也後連年有饑流之厄

射妖

周宣王殺杜伯而無辜後三年王會諸侯田於圃日中起於道左衣朱衣冠操朱弓矢射王中心折脊而崩

莊公十八年秋有蜮劉向以爲蜮生南越越地多婦人

男女同川淫女爲主亂氣所生故聖人名之曰蜮蜮猶

惑也在水旁能射人射人有處甚者至死以氣射人也南方

謂之短弧卽射工也亦呼水弩近射妖死亡之象也時莊公將娶

齊之淫女故蜮生後女淫於二叔叔牙慶父兩子見殺夫人

亦誅劉歆以爲蜮盛暑所生非自越來也京房易傳曰

忠臣進善君不試試用也厥妖國生蜮哀公時有隼集

陳廷而死楛矢貫之楛木名堪爲箭筈也石罟罟繳長尺有咫陳

閔公使人問仲尼對曰隼之來也遠矣昔武王克商通

道百蠻使各以方物來貢肅慎貢楛矢肅慎東北夷石罟長

尺有咫先王分異姓以遠方職使毋亡服服事也故分陳

以肅慎矢試求之故府果得之劉向以爲隼近黑祥貪

暴類也矢貫之近射妖也死於廷國亡表也象陳眊亂

不服事周而行貪暴將致遠夷之禍爲所滅也其後陳

卒爲楚所滅

後漢靈帝光和中洛陽男子夜龍以弓箭射北關吏收

考問辭居貧負責無所聊生因買弓箭以射近射妖也

風俗通曰龍從兄陽求臘錢龍假取繁數頗厭患之陽

與錢千龍意不滿欲破陽家因持弓矢射元武門東闕

史士呼問首服詔龍以重論陽不連坐其後車騎將軍何苗與兄大將軍

進部兵還相猜疑對相攻擊戰於闕下苗死兵敗殺數

文獻通考 卷一百一十 物異 旱

千人洛陽宮室內人燒盡

蜀車騎將軍鄧芝征涪陵見元獫狁山手射中之獫
拔其箭卷木葉塞其瘡芝曰嘻吾違物之性其將死
矣俄而卒此射妖也一日獫母抱子芝射中之子爲
拔箭取木葉塞創芝歎息投弩自知當死

晉恭帝爲琅琊王好奇戲嘗閉一馬於門內令人射之
欲觀幾箭死左右有諫者曰馬國姓也今射之不祥於
是乃止而馬已被十許箭矣此蓋射妖也俄而禪位云
東魏孝靜武定四年後齊神武作宰親率諸軍攻西魏
於玉壁其年十一月帝不豫班師將士震懼皆曰韋孝

文獻通考

卷十

物異

三

寬以定功弩射殺丞相西魏下令國中曰勁弩一發凶
身自殞神武聞而惡之其疾暴增近射妖也洪範五行
傳曰射者兵戎禍亂之象氣逆天則禍亂將起神武行
殿中將軍曹魏諫曰王以死氣逆生氣爲客不利主人
則可帝不從頓軍五旬頻戰沮衄又聽孤虛之言於城
北斷汾水赴土山其處天險千餘尺功竟不就死者七
萬氣逆天之咎也其年帝崩明年王思政擾河南

北齊武平後主自并州還鄴至八公嶺夜與左右歌而
有一人忽發狂意後主以爲狐媚伏草中彎弓而射
傷數人幾中後主後主執而斬之其人不覺也狐

而能媚獸之妖妄也帝時不恤國政專與內人鬪豎酣歌爲樂或衣襪縷衣行乞爲娛此妖妄之象人又射之兵戎禍亂之應也未幾而國滅

宋理宗淳熙十四年正月闈宦競以小弓矢射於殿廡爲戲弓長尺餘箭纜數寸近射妖也 寧宗慶元五年諸軍器械所造筒子弩柳木牌以爲戲木弩加以竹箭蔽以方布剔以角篔時朝廷遣使閱習器械射妖之戒若曰除戎器皆兒戲也後開禧卒有兵弗戢之禍

文獻通考

卷一百一十終

物異

三

07543



